

www.banglainternet.com

Mir Mosharraf Hossain

Jamidar Darpan

(play/1873)

নাটকোক্ত ব্যক্তিগণ

পুরুষগণ

হায়ওয়ান আলী	-	জমীদার
সিরাজ আলী	-	জমীদারের জ্যেষ্ঠভ্রাতা
আবু মোস্তা	-	অধীনস্থ প্রজা
জামাল প্রভৃতি	-	জমীদারের চাকর সাক্ষীদ্বয়
আরজান ব্যাপারী	-	জুরি

নট, সূত্রধার, মোসাহেব চারিজন, জজ, ম্যাজিস্ট্রেট, ব্যারিস্টার, ডাক্তার সাহেব, ইন্সপেক্টর, কোর্ট-সাব-ইন্সপেক্টর, উকিল, মোস্তার, পেঙ্কার, কনস্টেবল, চাষা, আরদালী, দর্শকগণ ইত্যাদি।

স্ত্রীগণ

নূরুল্লাহ	-	আবু মোস্তার স্ত্রী
আমিরন	-	আবু মোস্তার ভগ্নী
কৃষ্ণমণি		
নটী		

প্রস্তাবনা

(সূত্রধারের প্রবেশ)

সূত্র

—(পদচারণ করিতে করিতে)

হা ধর্ম! তোমার ধর্ম লুকালো ভারতে;
জমীদার অত্যাচারে ডুবিল কলঙ্কে!
পাতকীর কর্মদোষে হলে পাপ ভাগী
পাপীরা ধনের মদে না মানে তোমায়—
না মানে যেমন বাঁধ শ্রোতস্বতী নদী,
দ্রুত বেগে চলে যায়, ভাসিয়া দুকূল।
রাজ-প্রতিনিধিরূপী মধ্যবর্তী সম,
জমীদার! রাজরূপে পালক প্রজার
সর্ব নর ধন প্রাণ মান রক্ষাকারী।
সেই হেতু রাজবিধি দিয়াছে পদবী।
রবি যথা নিজ রশ্মি বিতরি শশীরে
করেন শীতল করে ভুবন শীতল,
সে পদবী হীন পদে শোধিছে মেদিনী,
শোষে যথা চৈত্র মাসে খর প্রজাকর
নদনদী জলাশয় খরতর করে।
কি কুদিনে আজি আমি প্রবেশি এ দেশে,
স্বরিয়া বিদরে বুক নিকলে নিশ্বাসে—
ঘন শ্বাসে দহে প্রাণ জলন্ত আগুন,
তুষানলে জ্বলে তথা ঢাকা হত্যাশন—
ধিক্ ধিক্ গুমে গুমে না হয় প্রকাশ—
সেইরূপ দহিতেছে আমার অন্তর।

[নটের প্রবেশ]

নট

—একা একা পাগলের মত কি বলছেন?

সূত্র

—কেন? অন্যায় কি বলেছি, সত্য বলতে ভয় কি?

নট

—আমি সত্য-অসত্যের কথা বলছি নে, ভয়ের কথাও বলছি নে, বলি কথাটা কি?

সূত্র —কথা এমন কিছু নয়। কলিকালের প্রজারা মহা সুখে আছে। কলিরাজও প্রজার সুখ চিন্তায় সর্বদা ব্যস্ত; কিসে প্রজার হিত হবে, কিসে সুখে থাকবে এরি সন্ধান করছেন। কিন্তু চক্ষের আড়ালে দুর্বলের প্রতি সবলেরা যে কত অত্যাচার, কত দৌরাণ্য করছে তার খোঁজ খবর নেই।

নট —কেন, এ আপনার নিতান্তই ভুল। রাজার নিকট সবল দুর্বল, ছোট বড়, ধনী নির্ধনী, সুখী, দুঃখী, সকলি সমান! সকলি সম স্নেহের পাত্র। সকলের প্রতিই সমান দয়া! আজকাল আবার দীন দুঃখীদের প্রতিই বেশ টান!

সূত্র —(ক্ষণকাল নিস্তর) আচ্ছা, মফস্বলে এক বকম জানওয়ার আছে জানেন? তারা কেউ কেউ শহরেও বাস করে, শহরে কুকুর, কিন্তু মফস্বলে ঠাকুর! শহরে তাদের কেউ চেনে না, মফস্বলে দোহাই ফেরে। শহরে কেউ কেউ জানে যে, এ জানওয়ার বড় শান্ত—বড় ধীর, বড় নম্র; হিংসা নাই, ঘেঁষ নাই, মনে ঝিধা নাই, মাছ মাংস ছোঁয় না। কিন্তু মফস্বলে শ্যাল, কুকুর, শূকর, গরু পর্যন্ত পার পায় না। বলব কি, জানওয়ারেরা আপন আপন বনে গিয়ে একেবারে বাঘ হয়ে বসে।

নট —কি কথাই বলছেন, বাঘ বুঝি আর জানওয়ার নয়?

সূত্র —আপনি বুঝতে পারেন নাই। এ জানওয়ারদের চারখানা পাও নাই আর ল্যাজও নাই। এরা খাসা পোষাক পরে, দিকি সুরু চালের ভাত খায়। সাড়ে তিনহাত পুরু গদীতে বসে খোসামোদে কুকুররাও গদীর আশে-পাশে ল্যাজগুড়িয়ে ঘিরে বসে থাকে। কিছুই অভাব নাই, যা মনে হচ্ছে তাই করছে। বিনা পরিশ্রমে স্বচ্ছন্দে মনের সুখে কাল কাটাচ্ছে। জানওয়ারেরা অপমান ভয়ে নিজে কোন কার্যই করে না। ভগবান তাদের হাত পা দিয়েছেন বটে, কিন্তু সে সকলই অকেজো। দিকি পা আছে অথচ হাঁটবার শক্তি নেই! দেখতে খাসা হাত কিন্তু খাদ্য সামগ্রী হাতে করে মুখে তুলতেও কষ্ট হয়! কি করে? আহারের সামগ্রী প্রায় চাকরেই চিবিয়ে দেয়! এরা আবার দুই দল।

নট —দল আবার কেমন?

সূত্র —যেমন হিন্দু আর মুসলমান।

নট —ঠিক বলেছেন। ঐ দলের এক জানওয়ার যে কি কুকাণ্ড করেছিল, সে কথা মনে হলে এখনও গিলে চমকে ওঠে—এখনও চক্ষে জল এসে পড়ে। উঃ কি ভয়ানক!

সূত্র —এখন পথে এস। আমিও তাই বলছি।

নট —থাক, ও সকল কথা বলে আর কাজ নাই, কি জানি—

সূত্র —কেন বলব না? আপনি তো বলেছিলেন, যদি কোনো দিন ভগবান দিন দেন, তবে মনের কথা বলবো। আজ আমাদের সেই শুভ দিন হয়েছে!

নট —কি করে?

সূত্র —একবার ওদিকে চেয়ে দেখুন না!

নট —(চতুর্দিকে দৃষ্টি করিয়া) তবে আমাদের আজ পরম ভাগ্য।

সূত্র —আর বিলম্বে কাজ নাই। আমাদের চির-মনোসাধ আজ পূর্ণ করবো। যত কথা মনে আছে সকলি বলবো! এমন দিন আর হবে না। কপালে যা থাকে জানওয়ারদের এক দলের নজ্রা এই বঙ্গভূমিতে উপস্থিত করতেই হবে।

নট —তাইতো ভাবছি, কোন্ নজ্রা অবিকল কে তুলেছে সেইটি ভাল করে বেছে নিতে হবে।

সূত্র —আপনি শুনে নাই “জমীদার দর্পণ নাটক” যে নজ্রাটি একেছে, তার কিছুই সাজানো নয়, অবিকল ছবি তুলেছে।

নট —তবে আর কথা নাই, আসুন তারই যোগাড় করা যাক!

[উভয়ের প্রস্থান]

[পুষ্পাঙ্কলে করিয়া নটীর প্রবেশ]

নটী —বেশ, ইনি তো মন্দ নন। আমার ডেকে আবার কোথায় গেলেন? পুরুষের মন পাওয়া ভার। নারী জাতকে ঠকাত্তে পারলে আর কসুর নেই। তা যাক, আমি আর খুঁজে বেড়াতে পারিনে। এই আসরে মালা গেথে নেই।

[উপবেশন এবং মালা গাঁথিতে গাঁথিতে সঙ্গীত।]

(রাগিনী মল্লার—তাল আড়া)

পাষণ সমান প্রাণ পুরুষ নিদয় অতি।

মনে এক মুখে আর— ভিন্ন ভাব অন্যমতি।

কত কথার কত ছলে, রমণীরে কত ছলে,

হাসি হাসি কত কথা বলে, মজায় অবলা জাতি।

নিত্য নব রসে মন, বসে মন আকিঞ্চন,

দ্বিপদ ঘট, পদগুণ, কি হবে এদের গতি।

এই মালা নিয়ে আজ আমোদ করবো।

[নটের প্রবেশ]

নট —প্রিয়ে! সকলই তো বলেছি আর ওদিকেও সকল যোগাড় করে
এলুম! এখন আর বিলম্ব কি; আর কথাই বা কি?
নটী —না, আমার কোন কথা নাই। আপনি যা মানস করেছেন, আমি
কি আর তাতে কোনো বাধা দেই? দেখুন আমি মনের সাথে এই
মালাছড়াটি পেঁথেছি। এই হাতে ঐ গলে পরাব বলে ইস্কে হচ্ছে।
নট —(সহাস্যে) একবার পরিয়েছ, আবার কেন?
নটী —(মৃদু হাস্যে) এও এক সুখ!
নট —প্রিয়ে। মালাতো পরালে এখন একটি গান গাও।
নটী —আর কি গান পাইব? মনের কথাই বলি, কিন্তু আপনি না বলে
আমি বলবো না।
নটী —তাতে আর ক্ষতি কি?

উভয়ের সঙ্গীত

[লক্ষ্মীয়েের সুর—তাল কাওয়ালী]

মরি দুর্বল প্রজ্ঞার পরে অত্যাচার।

কতজনে করে, করে জমীদার।

ভারা জানে মনে, জমীদার বিনে

নাহি অন্য কেহ দুঃখ গুনিবার।

প্রজ্ঞা কত সহ্যে, কিছু নাহি কহে

মনে ভাবে এর নাহি উপায় আর।

জমীদার ধরে জরিমানা করে

মনো সাধ পুরে, নাশিছে প্রজ্ঞার।

জন সভ্যজন, করিয়ে মনন

দেখাইব আজি অভিনয় তার—

[উভয়ের প্রস্থান]

পটক্ষেপণ

নেপথ্যে সঙ্গীত

[রাগিনী খাওয়াজ—তাল কাওয়ালী]

ওরে প্রাণ মিলন সলিল কর দান

যায় যায় যায় প্রাণ, ওষ্ঠাগত হলো প্রাণ

বিনে প্রেম বারি পান।

মন প্রাণ সব সাঁপেছি হেরে ও ব্যান
তবে কেন হেন জনে হান প্রিয় বিষবাণ?

প্রথম অঙ্ক

প্রথম গর্তাঙ্ক

কৌশলপুর

হায়ওয়ান আলীর বৈঠকখানা

(হায়ওয়ান আলী ও প্রথম মোসাহেব আসীন)

হায় — দেখেছো?
প্র মো — হজুর দেখেছি।
হায় — কেমন?
প্র মো — সে কি আর বলতে হয়, অমন আর দুটি নাই!
হায় — কিন্তু ডারি চালাক, কিছুতেই পড়ছে না।
প্র মো — (সহাস্যে) সে কি? সামান্য স্ত্রীলোক কিছুতেই পড়ে না।
হায় — তোমরা বোধকর সামান্য, কিন্তু আমি বেড়িয়ে বেড়িয়ে দেখেছি,
বড়ব চরিত্র যতদূর জেনেছি, তাতে বোধ হয় সেটি অসামান্য!
প্র মো — অন্য লোভ কিছু দেখিয়েছেন?
হায় — টাকার লোভ দেখিয়েছি, কত গণনার লোভ দেখিয়েছি, কিছুতেই
ভোলে না!
প্র মো — ওর স্বামীও তো এমন সুশ্রী পুরুষ নয়, যে তাতেই ভুলে রয়েছে।
হায় — না, তাই বা কি করে? আবু মোস্তা নব কার্তিক! বিধির নির্বন্ধ
দেখ, চাষার হাতে গোলাপ ফুল, একি প্রাণে সয়? “হায় বিধি! পাকা
আম দাঁড়কাকে খায়!”
প্র মো — (ক্রোধে) কি আর বলবো। যদি আমার হাতে পড়তো তবে
দেখতে পেতেন কি কৌশলে হাত কর্তুম। শুধু টাকাতো হয় না,
কথাতেও হয় না, পায়ে ধলেও হয় না; হওয়ার আরও উপায় আছে;
একদিন—
হায় — আমি যে না বুঝি তা নয়। যে কাজ তাতো জানতেই পাচ্ছো,
তায় আবার যদি বলপূর্বক করা হয়, সে আরও অন্যায়। অর্থের লোভ
দেখিয়ে কি অন্য কোনো কৌশলে হলে সকল দিকই বজায় থাকে।
আমি আজ মনে মনে যে কারিকুরি এঁচেছি, সেটা পরখ করে দেখে
যদি না হয়, শেষে অন্য উপায়—
প্র মো — কি এঁচেছেন হজুর!

হয় —একটা ডান করে মোল্লাকে ধরে আনা যাক। এদিকে একটু নরম গরম আরম্ভ করে ওদিকে কৃষ্ণমণিকে পাঠিয়ে দেই। সে গিয়ে বলুক যে, তুমি আজ সন্ধ্যার পর একবার বৈঠকখানায় গে' দেখা কর, সব গোল চুকে যায়।

প্র মো — বেশ যুক্তি হয়েছে হজুর, বেশ যুক্তি হয়েছে। এখনই চার পাঁচজন সর্দার পাঠিয়ে মোল্লাকে ধরে আনা যাক, তা হলে আজ রাতেই—

হয় —আজ রাতেই?

প্র মো —রাতেই—এখনি—

হয় —যেদিন তারে দেখিছি, যেদিন হোতেই সেই জ্ঞান, সেই ধ্যান,
—যেন উশ্বস্ত! (কিঞ্চিৎ ভাবিয়া) ওরে জামাল!

[সর্দার-বেশ, জামালের প্রবেশ]

জামা —(সেলাম করিয়া দণ্ডায়মান।) হজুর—

হয় —আর সকলে কোথায়?

জামা —(যোড় হস্তে) সকলেই দেউড়িতে হজুর।

হয় — পাঁচ আদমী যাও, আবুকো পাকড় লাও, আবি লাও।

জামা —যো হজুর।

[সেলাম করিয়া প্রস্থান]

হয় —দেখা যাক! ফাঁদতো পাতলেম; এখন কি হয়। যদি এতেও বিফল হয়, হবে যা মনে আছে তাই! (মুদুরে) সাবেক আমল হলে কোন দিন কাজ শেষ করে দিতুম। তা কি বলবো। এখনকার আইন খারাপ! মনের দুঃখ মনেই রয়ে গেল; তা দেখি যদি এতেও না হয়, তবে—

প্র মো —বোধ হয় এইবারেই হবে। আর অন্য চেষ্টা কর্তে হবে না। এইবারেই হবে।

হয় — কৈ তা হয়? কামাস হোলো কত চেষ্টা করিছি, কত হাঁটা-হাঁটি করিছি, কৈ কিছুই তো হয় না। (দীর্ঘ নিশ্বাস)

প্র মো —অধঃপাতে গেছেন! আপনাদের পূর্ব-পুরুষের মতন তেজ থাকলে এত দিন কবে হয়ে যেত!

হয় — ওহে, আমাদের তেজ না আছে এমন নয়, আমরা যে কিছু না কর্তে পারি তাও নয়, তবে সে এক কাল ছিল, এখন ইংরেজি আইন, বিষদাত আল!

প্র মো — সে রাজ্যও এদেশে নাই।

হয় —এক রকম সত্য বটে, আগে আগে আমরা মফস্বলে কত কি করেছি, কার সাধ্য যে মাথা তুলে একটা কথা বলে? এখন পায় পায় জেলা, পায় পায় মহকুমা, কোণের বউ পর্যন্ত আইন আদালতের খবর রাখে, হাইকোর্টের চাপরাসীরাও ইকুরিটি আর কমন-ল'র মার-প্যাচ বোঝে।

প্র মো — হজুর যে কন্দী এঁচেছেন, এতেই সব কাজ সিদ্ধ হবে এখন—

[নেপথ্যে আজান দান, নামাজ পড়িবার পূর্বে কর্ণকুহরে অঙ্গুলী দিয়া উচ্চৈঃস্বর।]

“আল্লাহ আকবর, আল্লাহ আকবর, আল্লাহ আকবর, আল্লাহ আকবর। আশ্হাদো আল্লা এলাহ ইল্লাহ, আশ্হাদো আল্লা এলাহ ইল্লাহ, আশ্হাদো আল্লা মোহাম্মাদুর রাসুলুল্লাহ। আশ্হাদো আল্লা মোহাম্মাদুর রাসুলুল্লাহ। হাইয়া আলাস সালাহ, হাইয়া আলাল ফালাহ। আল্লাহ আকবর, আল্লাহ আকবর। লা এলাহা ইল্লাহ।”

হয় —নামাজের সময় হয়েছে, চল নামাজ পড়ে আসি। ততক্ষণে হারামজাদাকে ধরে আনুক। (গাত্রোথান)

[উভয়ের প্রস্থান]

পটক্ষেপণ

নেপথ্যে গান

[রাগিনী সিন্ধু—তাল জখ]

কুবাসনা যার মনে তার উপাসনা কি?

মনে এক, মুখে শুধু হরি বলে ফল কি?

মধু মাখা বোল মুখে, গরল রয়েছে বুকে,

হেন ছদ্মবেশী তার অধর্মেতে ভয় কি?

সতীর সতীত্ব ধন, হরিবারে করে পণ,

মুখে বিভূ-পদে মন, এদের, অন্তঃকালে হবে কি?

banglainternet.com banglainternet.com

দ্বিতীয় গর্ভাঙ্ক
আবু মোস্তাফার বাহির বাটির ঘর
(সর্দারগণ-বেষ্টিত দণ্ডায়মান আবু মোস্তাফা)

আবু — (কাতর স্বরে পাট জড়াইতে জড়াইতে) আপনারা বসুন, চাদরখান নিয়ে আসি; মনিব ডেকেছেন না গিয়ে বাঁচতে পারি?

জামা — নেওয়াতী রাখ, তোর নেওয়াতী রাখ, মান রাখতে পারিস একটু দাঁড়াই। নৈলে চল (গলা ধাক্কা।)

আবু — (সক্রন্দনে) দোহাই আপনাদের চাদরখান আনি। আমি কোমর খোলাই দিচ্ছি। অপমান করো না।

জামা — রাখ তোর চাদর, দিবি তো দে আগে দে।

আবু — কিঞ্চিৎ কোমর খোলাই দিচ্ছি।

জামা — দিচ্ছি কি? ক' টাকা দিবি? আগে টাকা আন, তবে বসবো, তোর কথায় বসবো? তেরা বাত্মে বায়ঠেপা? চল (গলা ধাক্কা)।

আবু — দিচ্ছি, এখনি দিচ্ছি।

জামা — আন পাঁচ জনার কোমর খোলাই পাঁচ টাকা আন, বসছি। তা না দিস, ঘাড় হাত দিয়ে কান মলতে মলতে কাছারি মুখো করবো। (ঘাড় ধারণ)

আবু — দোহাই খাঁ সাহেবরা, আমায় বে-ইজ্জত কোরবেন না, আমি কোমর খোলাই টাকা দিচ্ছি।

জামা — টাকা দিচ্ছিতো কত বারই বন্ধি, টাকা আন না।

আবু — আমি নিতান্ত গরিব। (কোঁচার মুড়া হইতে এক টাকা ও কাছার মুড়া হইতে এক টাকা, এই টাকা লইয়া) আপনাদের পান খাবার জন্য এই দুটি টাকা।

জামা — (মোস্তাফার হাতে সজোরে আঘাত করিয়া টাকা ভূমিতে নিক্ষেপ) বেটা কি টাকা দেনেআলা! আমরা ভিক্ষে কর্তে এয়েছি? দুটো টাকা নেব? চল (ঘাড় হাত দিয়া পাক দেওন এবং পৃষ্ঠে চার পাঁচটা মুঠাঘাত)

আবু — দোহাই পেয়াদা সাহেব, আমি তাই দিচ্ছি, তাই দিচ্ছি।
[নেপথ্যে (অস্তুরাল হইতে স্ত্রীলোকের হাতে তিনটি টাকা) ন্যাও আর কি করবে, যা রূপালে ছিল তাই হলো।]

আবু — (হাত বাড়াইয়া ক্ষণকাল পরে) নেন এই পাঁচটি টাকাই নেন।

জামা — (টাকা হাতে করিয়া উপবেশন ও সঙ্গীগণের প্রতি) বসোহে বসো।

আবু — (তামাক সাজিতে সাজিতে) আমিতো কোন অপরাধ করি নি; তবে জুলুম কেন? (কিঞ্চিৎ ভাবিয়া) সকলই আমার নসিবের দোষ, আমি কোনো কথার মধ্যে যাইনে, কোনো হের-ফের বুঝি নে, (টিকায় ফুঁ দেওন) কেউ চড়া কথা বললে কি দু'ঘা মাল্লেও পিঠে সই। দোষ কল্পেই সাজা হয়, তবে যখন সাক্ষা আছি—তখন—সকলি নসিবের—(ডাবা হুকার কলিকা চড়াইয়া দান) একালে যে যত সোজা থাকে তার পাছে কাঠি দিতে কেউ রেয়াত করে না। আমি ভাল জানি নে, মন্দ জানি নে, আমার উপর পাঁচজন প্যায়েদা! বাবা! কাকের উপর কামানের আওয়াজ! (গাত্রোথান ও ঘোড় করিয়া পশ্চিমদিকে ফিরিয়া) এ আল্লা, তুই জানিস্ আমি কোনো মন্দ করি নি, হাকিমেরই বা কি করেছি যে হক-না হক মাচ্ছেন? মাটির হাকিমের কুনজরে পলে কি আর বাঁচা যায়? কথায় বলে, "রাজা বাদী, উত্তর নাদি!" আপনারা বসুন আমি চাদরখানা নিয়ে আসি।

জামা — না, তা কখনই হবে না—এই ডাবেই কাছারী নে' যাব। যেমন আছে তেমন চল, হুকুম মত কাজ কর্তে হয়, এতো তোমার আমার ঘরাও কথা নয়, হুজুরের যে রাগ তাতে যে কি হবে তা খোদা জানেন আর তিনি জানেন।

আবু — এমন ঘাট আমি কি করেছি? আপনারা কিছু তনেছেন?

জামা — আমরা আর কি তনবো? গেলেই তনবে চলো!
[সকলের গাত্রোথান]

আবু — তবে চল রূপালে যা থাকে তাই হবে!
[সকলের প্রস্থান]

পটক্ষেপণ

(নেপথ্যে গান)

[রাগিনী কিঁকট খাণ্ডাজ—তাল আড়া ঠকা]

সুখী বলে কোন জন?

অধীনতা পাশে বাঁধা যাদেরি চরণ।

ক্ষমতা হোলো না আর করি পদ অঙ্গসর

দেখি আসি একবার, প্রেমসী বদন।

দু'জন দু'হাত ধরে, লয়ে যায় জোর করে

কেহ মিছে রোষ ভরে, মারে অকারণ।

দেখিলে চক্ষুর পরে কেমন প্রভুত্ব করে

আনিত্তে দিলানা মোরে আমারি বসন।

তৃতীয় পর্ভাঙ্ক

হায়ওয়ান আলীর বৈঠক খানা।

(হায়ওয়ান আলীর মোসাহেবদের সহিত তাস-ক্রীড়া।
হায়ওয়ান আলী ও প্রথম মোসাহেব একদিকে। দ্বিতীয়
এবং তৃতীয় মোসাহেব অপর দিকে।)

হায় —(তাস দেখিতে দেখিতে) বিস্তি নাই?
দ্বি মো —কি বড়?
হায় —বিবি বড়!
দ্বি মো —প্রত্যেক হাতেই যে বিবি বড়! আপনার নিকট বিবির বড় বাড়াবাড়ি দেখতে পাচ্ছি! বিবি যে আর ছাড়ে না!
হায় —বিবি ছাড়ে বৈকি, সাএবই ছাড়ে না! খেলনা। দেখুন দেখি সেই বিবির জন্য কত খানা হয়ে যাচ্ছে কৈ একবারও সায়েবের পানে ফিরেও তাকায় না! রঙের দশ আমার।
দ্বি মো —আপনি তাকে যথার্থ ভালবেসে থাকেন, সেও ভালবাসবে; এতো চিরকালই আছে, মনে মনে যে যাকে ভালবাসে সেও তাকে ভালবাসে।
হায় —সে যথার্থ, কিন্তু ভাই আমার কিছুতেই বিশ্বাস হয় না। যার জন্য আহা-নিদ্রা একেবারে ত্যাগ, পূর্বে যে বড় ভালবাসার ছিল, তাকেও আর দেখতে ইচ্ছে করে না। বলবো কি, জীয়েন্তে মরার যাতনা ভোগ করছি। অদৃষ্টের এমন দোষ যে সে আমার নামও শুনতে পারে না! কাবার বিস্তি!
দ্বি মো —(তৃতীয় মোসাহেবের প্রতি) দেখে খেলেহো দেখে খেলো! গোচ বড় ভাল নয়!
প্র মো —কাবার ইস্তক!
দ্বি মো —তবে ঠকলেম!
তৃ মো —কাজেই ওঁদের পড়তা পড়েছে? পড়তা পলে এই হয়! (গান)
“পড়তা ছিল ভাল যখন, কি হাতে হন্দর তখন, মেরে তাস করিতাম হতলো?” এই টেকা হাতের পাঁচ আমার!
হায় —হাতের পাঁচ মিলে কি হবে, ওদিকে যে চার কুড়ি সাত দেখাতে হবে। আর এই বারেই পঞ্জা (১ম মোসাহেবের প্রতি) ওহে একখানা কাগজ ধর (তাস একত্রে করিয়া সম্মুখে ধারণ) কাটুন দেখি।
দ্বি মো —(হস্ত বাড়াইয়া) এই নিন গোলাম কেটেছি, আর পাল্লেম না, গোলামেই সব হবে।
হায় —কি হবে? এত ভয় কেন?

দ্বি মো —আবার ভয় কেন? সব হবে—গোলামেই সব হবে।
হায় —ওহে! আমরা সাথে জিতছি, আমাদের যাত্রা ভাল; ওদিগের খবর জনেছ তো?
দ্বি মো —কতক কতক! কৈ এতক্ষণও যে আনছে না? বোধ হয় পালিয়েছে!
হায় —পালাবে কোথায়? একটু বসোনা, এখন দেখতে পাবে।
তৃ মো —দেখবে, এই দেখ (তাস নিক্ষেপ) হন্দর হয়েছে!
হায় —এমন সময় এমন কাজ করো? হাতে না তুলতেই হন্দর—
প্র মো —(দূরে সর্দারগণকে দেখিয়া)—ঐ আবুকে আনছে।
হায় —চুপ কর, ওদিকে তাকিও না—এইবারে খেলাটা হয়ে যাক।
(সর্দারগণ-বেষ্টিত আবুর প্রবেশ)
আবু —(সেলাম করিয়া দণ্ডায়মান)
জামা —হজুর!—আবু হাজির।
হায় —কাহা হায়? পঞ্চাশ! (হেট মুখে সক্রোধে) আরে আবু! তুই জানিস আমি তোর সব কর্তে পারি? তোর ভিটেয় ঘুঘু চরাতে পারি?
আবু —(ভয়-কাতর স্বরে) হজুর। আপনি সব কর্তে পারেন; আপনি রাজা; জানজাহানের মালিক; মাল্লেও মার্তে পারেন; রাখলেও রাখতে পারেন!
হায় —তোর এতদূর আশ্পর্কা? আমার সঙ্গে অ-কৌশল? তুই ভেবেছিস কি? আমি তোকে সোজা কোর্বি কোর্বি কাবার পঞ্চাশ—জামাল! হারামজাদাসে পঁচাশ-রোপেয়া, জব্বানা আদা কর।
জামা —যো হকুম!
আবু —(যোড় করে) হজুর, আমি কি ঘাট করেছি?
হায় —চোপরাও হারামজাদা! আবতাক হামরা সামনে মুখোলকে বাৎ কাহতাহায়! আভি লে যাও! লে যাও! (ক্রোধে উচ্চৈঃস্বরে) ঘণ্টে কা দারমিয়ান রোপেয়া আদা কর।
জামা —(মোল্লার হাত ধরিয়া টান) চল!
মোল্লা —খোদাবন্দ আমায় মাপ করুন।
হায় —মাপ ক্যা, এ্যা মাপ হায় নাই! জামাল! ওকে চোদ্দ পোয়া করে মাথায় ইট চাপিয়ে দে, তা না হোলে ও ন্যাকা কখনও টাকা দেবে না!
জামা —(চোদ্দ পোয়া করণ)
আবু —খাঁ সাহেব আমার মাথায় ইটই দিন আর আমারে কবরেই দেন, আমায় দিয়ে এত টাকা হবে না। বাড়ি ঘর ছেড়ে দিলুম বেচে নিন!
হায় —হারামজাদা! আমি তোর ঘর বেচবো! তুই যেখান থেকে পারিস টাকা এনে দে। (সর্দারগণের প্রতি) আরে তোরা এখনও ও মাথায় ইট দিলি নি।
(একজন সর্দারের প্রস্থান)

আবু —হজুর আমি বড় গরীব, কুপুষ্টিগলায়, বিষয় আশয় হজুরের অজানা কি? এত টাকা কোথেকে জোটাই? দোহাই খোদাবন্দ! মাপ করুন!

প্র মো —কেন? তোমার কুপুষ্টি এমন কে?

দ্বি মো —আরে জান না, ছোট লোকের ঘরে যার একটু সুন্দরী বিবি তার এক পুষ্টিতেই একশ! নিত্য-নতুন ফরমাস্—নিতি নতুন আব্দার!

প্র মো —ওর বিবি বুঝি খুব খুপসুরৎ?

দ্বি মো —উরির মধ্যে।

হায় —তবে অবশ্যি টাকা দিতে পারবে। তার গয়নাই থাক, নগদই থাক, আর যার কাছ থেকেই হোক, টাকার তার অভাব কি? (ইট লইয়া সর্দারের প্রবেশ) দে ওর মাথায় চাপিয়ে দে!

(সর্দার কর্তৃক আবুর মাথায় ইট দেওন)

আবু —দোহাই সাহেব! আর সয় না, আমায় ছেড়ে দিন, আমি বাড়ি গে, ঘটি বাটি যা থাকে বেচে এনে দিচ্ছি! হজুর কপালে যা ছিল, তাই হোলো! আমার কোন পুরুষেও এমন অপমান হই নি! এর চেয়ে মরণই ভাল!

হায় চোপরাও, চোপরাও। (মোসাহেবগণ প্রতি) কি বল আর খেলবে? না আর কাজ নেই! (চতুর্থ মোসাহেবের প্রতি) আপনি একটা কথা শুনে যান!

চ মো —(নিকটে গিয়া) বলুন?

হায় —(কানে কানে প্রকাশ) এখনই যান, আর বিলম্ব করবেন না। গিয়েই পাঠিয়ে দেবেন!

চ মো —যাচ্ছি!

হায় —যদি সুখবর আনতে পারেন তবে গাল ভরে চিনি দেব।

আবু —(চতুর্থ মোসাহেবের প্রতি—চুপে চুপে) কর্তা! আমার জন্যে একটু— আমি আপনারে (পাঁচ আঙ্গুলি প্রদর্শন) দেব!

চ মো —(হায়ওয়ান আলীর নিকট যাইয়া চুপি চুপি) আবু কি ততক্ষণ ঐ অবস্থায় থাকবে? ও অবস্থায় রাখা আমার বিবেচনা হয় না।

হায় —(মৃদু স্বরে) আচ্ছা আপনি ওর জন্যে উপরোধ করুন, আপনার আসা পর্যন্ত বসিয়ে রাখা হুকুম দিচ্ছি।

চ মো —(প্রকাশ্যে) দেখুন হজুর! আবু আপনারই প্রজা, ওর ক্ষমতা কি যে আপনার অবাধ্য হয়? এখানে ওকে এ প্রকার কষ্ট দিলে তো টাকা পয়সা আদায় হবে না! জামিন নিয়ে ছেড়ে দিন, টাকার যোগাড় করে নিয়ে আসুক।

— তা হবে না, আমি ওকে ছেড়ে দিতে পারি না। তবে আপনি বলেছেন, এ অবস্থায় না রেখে সন্ধ্যা পর্যন্ত দেউড়িতে কয়েদ থাকুক! সন্ধ্যার পর টাকা না দেয়, যা মনে আছে তাই করবো; তখন আর কারও উপরোধ শুনবো না।

চ মো —আপনি সব করতে পারেন! আমার কথায় যে এই কষ্টে এতেই কৃতার্থ হোলোম।

(প্রস্থান)

হায় —জামাল! আবুকে সন্ধ্যা পর্যন্ত বসিয়ে রাখ। সন্ধ্যার পর টাকা না দেয়, যা করতে হয় করবো। এখন দেউড়িতে নে'য়া।

(জামাল, আবু মোস্তা ও সর্দারগণের প্রস্থান)

দ্বি মো —আমি এ ঠার ঠোর কিছুই বুঝতে পারছি না।

“সীতা নাড়ে আঙ্গুলী, বানরে নাড়ে মাথা
বুঝিতে না পারি নর বানরের কথা।”

হায় — বুঝবে কি, আজও যে গাল টিপলে দুধ পড়ে!

দ্বি মো —দুধ পড়ে তাতে ক্ষতি নেই, হজুর কিন্তু বুঝে চলবেন, শেষে চক্ষের জল না পড়ে! তখন আর ঠারে ঠারে বলা চলবে না। “ঠারে ঠারে ইনিশ বিশ দাদার কড়ি”—

প্যাচ ঘটাতে সকলে পারে কিন্তু ম্যাও ধরবার বেলায় কেউ নেই।

হায় —(মুখের উপর হাত নাড়া দিয়া) অধিকারী মশায় চুপ করুন, আপনার আর ছড়া কাটতে হবে না।

দ্বি মো —চুপ কল্লোম বটে, কিন্তু আমার ভাল বোধ হচ্ছে না। যাই করুন, আগে পাছে বিবেচনা করে করবেন।

হায় —সেজন্যে আপনাকে বড় ভাবতে হবে না। আমি আপনার চেয়ে ভাল বুঝি— চল আডডায় যাওয়া যাক!

দ্বি মো —গুলিতে যে হাড় কালি হয়ে চন্ন!

হায় —চুপ কর হে চুপ কর; বেশি ব'কোনা, মাথা ঘুরবে।

(সকলের প্রস্থান)

পটক্ষেপণ

দ্বিতীয় অঙ্ক
প্রথম গর্তাঙ্ক
আবু মোস্তাফিজের বাড়ি
(নূরুল্লাহর ও আমিরন আসীনা)

আমি — (কাঁথা সেলাই করিতে করিতে) আর কাঁদলে কি হবে। জমীদারের হাত কখনও এড়াতে পারবে না, টাকা দিতেই হবে।

নূর — পঞ্চাশ টাকা কোথায় পাব? আজ যে করে প্যায়দার কোমর খোলাই পাঁচ টাকা দিয়েছি তা আর কি বোলবো! আর একটি পয়সারও ফিকির নাই, জিনিষপত্র ঘর কয়েকখানা বেচলে কিছু টাকা হোতে পারে। তা এ অবস্থায় কে-ইবা কিন্তে সাহস করে? টাকা না দিলেও তো রক্ষা নাই। আমি কি করবো? এত টাকা কোথায় পাব? তিনি কাছারিতে আটক রইলেন, আমি মেয়ে মানুষ কোথা থেকে এত টাকা দেবো? গরিব বলেও কি তার দয়া হোল না? পঞ্চাশ টাকা এক সাথেতো আমরা চক্ষেও দেখি নি। আজ আর কোথা হতে দেব।

আমি — না দিয়ে কি আর বাঁচবে? জরিমানা না দিয়ে যে অন্য কোনো হাকিমের মাটিতে পালাবে, মনের কোণেও সে কথা ঠাই দিয়ো না।

নূর — পালাব! সেতো পরের কথা, রাত্রে যে তাঁকে কত কষ্ট দেবে, কত মারই মারবে, কত বারই যে খাড়া করবে, আমার সেই কথাই মনে পড়ছে! তাঁর হাতে একটি পয়সাও নেই (রোদন)। টাকার জন্য তাকে মেরে মেরে একেবারে খুন করে ফেলবে।

আমি — মাটির হাকিমে মেরে ফেললে তুমি কি করবে? তাঁর নামে তো আর সাহেবদের কাছে নালিশ করতে পারবে না? নালিশ করলে এই হবে, একদিন তোমার ভিটেয় পুকুর করে দেবে। জমীদারের সঙ্গে কার কথা, সে কি না কর্তে পারে।

নূর — পারেন বলে কি একেবারে মেরে ফেলবেন? এই কি জমীদারের বিচের, জমীদার বাপের সমান, কোথায় প্রজার ধন-প্রাণ-মান রক্ষা করবেন, ওমা তা গেলো মাটি চাপা! উল্টে দিনে ডাকাতি!

আমি — চুপ কর চুপ কর, ঐ কক্ষমণি আসছে, যদি কিছু ওর কানে গে থাকে, তবে এখনই বলে দেবে। মাগো ওতো সামান্য মেয়ে নয়!

নূর — তাইতো ও আবার আসছে কেন? ওকে দেখেই যে আমার প্রাণ উড়ে যায়!
(ঝোলা কক্ষে, মাটি হস্তে কক্ষমণির প্রবেশ)

কৃষ্ণ — “জয় রাধে কৃষ্ণ বল মন!” — যা ভিক্ষে দেওগো! ওমা তোমায় আজ এমন দেখছি কেন গো? কেঁদে কেঁদে দুটো চোখ যে একেবারে রাস্তা করেছে, ওমা এ কি গো?

আমি — ও মরে গেছে, ওকি আর আছে। মোস্তাফিজকে যে কাচারী ধরে নে গেছে, তুমি শোন নি?

কৃষ্ণ — দুই চোখের মাথা খাই মা! আমি কিছুই শুনি নি! ধরে নিয়ে গেছে সে কি? কেন, আবু তো দোষ করবার লোক নয়।

আমি — শুধু ধরে নিয়ে গেছে! ধরে নিয়ে পঞ্চাশ টাকা জরিমানা হেঁকেছে; আরও কত অপমান কল্লে, টাকার জন্য মাথায় ইট দিয়ে খাড়া করে নাকি রেখেছে! এদের তো ঘর কুড়ুলে পাঁচটা পয়সা বেরোবে না; এত টাকা কোথায় পাবে? এই কি হাকিমের বিচার?

কৃষ্ণ — (কিঞ্চিৎ ভাবিয়া) আহ-হা, এত করেছে? হা কৃষ্ণ! কি করবে বাছা জমীদার দণ্ড করলে আর বাঁচবার উপায় নেই! টাকা দিতেই হবে—জমীদার টাকা নেবার জন্যে ধরে আর এড়ান নেই। তবে একে ভয়ও করতে হয়,—তার কথা শুনতে হয়, জমীদার আন্ত বাঘ।

নূর — দুর্জনকে সকলেই ভয় করে! এই কি তাঁর বিবেচনা? আমাদের দিন চলাই দায়, কোন কোন দিন উপোস করেও কাটাতে হয়, এতে যে বিনি দোষে এত টাকা জরিমানা কল্লে, কোথেকে দেব? ঘর দোর ঘটি বাটি বেচলেও তো পঞ্চাশ টাকার অর্ধেক হয় না। দেখ দেখি বাছা, এ তাঁর কেমন বিচার? হাকিমে এমন করে বিচারে মাল্লে আর কার কাছে দাঁড়াব? এরপর যদি হাকিমের পর হাকিম থাকতো, তবে এর বিচের হোতো!

কৃষ্ণ — ওমা! হাকিম থাকলে করতে কি? জমীদারে হাত কদিন এড়াবে? হাকিম তো আর সকল সময় কাছে বসে থাকবেন না! জমীদার যখন মনে করবে তখন ধরে নিয়ে জরিবানার টাকা আদায় করবে।

—মা। বেলা গেলো আর থাকতে পারি নে, একমুঠো ভিক্ষে দাও যাই, আর কি করবে মা! (দীর্ঘশ্বাস)

নূর — (ভিক্ষা আনিতে গমন)

কৃষ্ণ — (পচাঁৎ যাইয়া দ্বারদেশে দণ্ডায়মান)

নূর — (ভিক্ষা লইয়া ভিখারিনীর ঘটিতে দান)

কৃষ্ণ — (ভিক্ষা লইতে লইতে)—চুপে চুপে শুন মা! জমীদারের হাত এড়াতে পারবে না, আমি শুনেছি তোমার জন্য একেবারে পাগল। দেখ না, একমাস হোল তোমার পাছেই লেগে আছে, তুমি মনে করলেই সব মিটে যায়!

নূর —(সক্রম্ভনে) আমি আবার কি মনে করবো!
 কৃষ্ণ —আর এমন কিছু নয়, আজ রাতে যদি তাঁর বৈঠকখানায় যেতে পার, তাহলে যত রাগ দেখছো একেবারে জল হয়ে যাবে! তুমি উষ্টে আবার তার ডবল ঘরে আস্তে পারবে!

নূর —আমি বৈঠকখানায় যাবো মাসি? (চক্ষে অঞ্চল দিয়া) এতকাল পরে তুমি আমায় এই কথা বলো? তাঁর কি এমন কর্ম করা উচিত? অধীনে আছি বলেই কি এমন অধর্মের কাজ করবেন? এই কি তার ধর্ম?—এ বড় দারুণ কথা, আমা হোতে এমন কর্ম হবে না! তিনি যা করুন, তা করুন, প্রাণ থাকতে আমা হোতে এমন কুকাজ হবে না—আমি বৈঠকখানায় কখনও যেতে পারবো না। যদি বড় পেড়াপীড়ি হয় তবে এই রাতেই গলায় দড়ি দিয়ে মরবো!

কৃষ্ণ —(জিভ কাটিয়া) সেও তো ভদ্রসন্তান, তায় আবার জমীদার, এ কথা কে শুনেবে? কেউ জাস্তে পারবে না! জানলেও কার দুটো মাথা এ কথা মুখে আনে মা! তুমি রাজার রাজরানীর মত সুখে থাকবে। দেখ জমীদার, সে কি-না করতে পারে? তোমায় ধরে নিয়ে যেতেও তো তার স্কামতা আছে; জাবরান কল্লোও তো করতে পারে। সে যখন পণ করেছে তখন ছাড়বে না! তবে কেন অপমানে কুল মজাবে? মান থাকতে আগেই তার কাছে গিয়ে কাতর হয়ে পড়, আদর পাবে! তিনি যা বলেন তাইতে রাজী হওগে মা! তুমিই যে একা এ কাজ করছো তা তো নয়, জমীদারের নজরে পড়ে কত কোপের বৌ পঙ্কজ এ কাজ করেছে। চৌধুরীদের কথা শোন নি? ওমা! তারা আস্ত ডাকাত! পাড়া পড়সী, জগত-কুটুম, পর্জার-ঘর কাউকেও ছাড়েনি। যার উপর নজর করেছে তারির মাথা খেয়েছে। কৈ কে তার কি করেছে? যে তার অবাধ্য হয়েছে তার ভিটেমাটিতে একেবারে উল্কুড় উঠিয়ে দিয়েছে! মা আমি তোমার ভালোর জন্যেই বলছি, মানে মানে থাকাই ভাল, শেষে মানও যাবে আর জানতেও পাছো—বুঝেছ—

নূর —বুঝেছি সব, কিন্তু সে কাজ আমি পারবো না, জান থাকতে তো নয়! আগে আমায় খুন করুন, তারপর যা ইচ্ছে তাই করবেন। (ঘৃণা ও বিরক্তির দৃষ্টিতে শশব্যস্ত গমনোদ্যতা)।

কৃষ্ণ —দাঁড়াও না ও—

নূর —আমি শুনেবো না (আমিরনের নিকট গমন)।

কৃষ্ণ —শুনলেনা শুনলেনা, আচ্ছা যাই আগে, ঝাঁ সাহেবের কাছে এই সতীপণার যা শুনাতে হয় তা হবে অকন। শেষে জানতে পারবে আমি কেমন "কৃষ্ণমণি"।
 (সক্রোধে প্রস্থান)

আমি —কৃষ্ণমণি হাত মুখ নেড়ে কি বলছিল বউ?
 নূর —তোমার আর শুনে কাজ নেই। সে কথা আর মুখে আনবো না, ছি, ছি, বড় মানুষের এই আচরণ!

আমি —কি কথা, বল না শুনি?
 নূর —তবে শোন। (কানে কানে প্রকাশ)
 আমি —(পালে হাত দিয়া) এমন! তা হবেই তো; ওরা ছাগলের জাত!
 —পর্যন্ত পার পায় না! তুমি আমিতো ছার কথা! বলতেও লজ্জা করে বোন, শুনেও লজ্জা! ওদের মেয়েমানুষ দেখলেই চোখ টাটায়, জমীদার হোলেই প্রায় একধুরে মাথা মুড়নো। কেউ চিরকাল বাইরে বাইরে কাটাচ্ছেন, ঘরের খবর চাকরেরাই জানে। যেখানে যান সেইখানেই মরেন, একদিনের জন্যও ছেড়ে থাকতে পারেন না। বাঈ! বাঈ! বাঈ! বাঈ বই দুনিয়াতে তাঁদের যেন আর কেউ নাই! এঁরাই আবার বড় লোক। সাএবদের কাছে বসতে পান, কত খাতির হয়, তাতেই আবার ন্যাজ ফুলে ফুলে ওঠে। সৎকাজের বেলায় এক পয়সা মা বাপ! কিন্তু ওদিকে কল্পতরু। চুল পেকেছে, দাঁত পড়েছে, মুখের চামড়া টিল হয়েছে, কিন্তু সক এমনি দাঁত পড়া বাঘের মতন এখনও জিভ লক্ লক্ করে। সেই বাজারে মেয়েগুলো এসে কত লাঞ্ছনা দিয়ে যায়, তবু লজ্জা নাই। কিছুদিন খাবার পরবার নোভে থেকে বেশ দশ টাকা হাত করে মুখে চুনকালী দিয়ে চলে যায়, আবার বেদিনী, যুগিনী, চাডালনী, কলুনী, চারজাতের চারজনকে নিয়ে কেউ কেউ বুড়ো বয়সে রঙ্গ কোরছেন, কেউ ঘরের বাইরে রঙ্গিনী নে উন্মত্ত; কেউ ঘরের দিকি স্ত্রী ফেলে পাড়াতেই কাল কাটাচ্ছেন। তা বোন এদেশের জমীদারদের অনেকের দশাই তো এই। তা বলে আর কি করবে বল? যে গতিক পাবে তোমার মাথা খাবেই খাবে। ত এখন চল, ওদিকে—

নূর —ওদিকে আর তুমি কি বলবে ভাই (দীর্ঘ নিশ্বাস) আমি আজ বুঝেছি। আজ মাসাবধি লোকের দ্বারায় কত রকমের কথার ঠারে কত লোভ দেখাচ্ছে। ঝা সাহেবও বিকেলে সন্ধ্যার পর পর মিছি মিছি শিকারের ছুতো করে বাড়ির আশে পাশে ঘুরে বেড়াচ্ছেন। আমি আজ সকলি বুঝেছি। আমি যা যা বলেছি বোধ হয় কৃষ্ণমণি তার ষ্টিগণ বাড়িয়ে বলবে, আমার কি হবে? আমি কোথায় পালাব? এখন যদি আমাকে ধরে নিয়ে যায় তবে আমার কি দশা হবে? কার কাছে গে এ বিপদ তেকে রক্ষা পাব? এমন কি কেউ নেই।

পটক্ষেপণ
(নেপথ্য গান)
(রাগিনী বাগশ্রী—তাল আড়াঠেকা)

আর কে আছে আমার
এ দুঃখ পাথারে কে বা হবে কর্ণধার?
যে তরিতে এ দুস্তারে, নিজে সে ভাসে পাথারে,
না হেরি সে প্রাণেশ্বরে, ঝুরি অনিবার।
আমারি, আমারি লাগি প্রাণকান্ত দুঃখভাগী
বিপক্ষ হোলো বিরাগী, না দেখি নিস্তার।
ওনেছি ভারতেশ্বরী, দুইজন দণ্ডকারী
তবে মাগো কেন হেরি, হেন অবিচার?

দ্বিতীয় গর্ভাক

গুলির আড্ডা
(হায়ওয়ান আলী, মোসাহেব চারজন এবং একজন
গুলিখোর আসীন)

হায় —ওহে বসো বসো, কেবলই টানছো, দু'একটা গল্প চলুক!
তৃ মো —হজুর! গৌরী নদীর পুল বেঁধেছে—
প্র মো —বেঁধেছে বটে, তার ওপরে কলের গাড়িও চলেছে বটে, কিন্তু—
তৃ মো —(সক্রোধে) কিন্তু আবার কি?
প্র মো —(মাথা চুলকাইতে চুলকাইতে) সে পুল টেকবে না; দুমাস পরেই
হোক, আর ছমাস পরেই হোক ভেসে পড়বেই পড়বে। যত বেটারা
গাড়ির মধ্যে থেকে উঁকি মেলে হাত নাড়া দিয়ে চলে যায়, তারা
গৌরীর জল খাবেই খাবে! গৌরী তাদের খাবেনই খাবেন!
হায় —না হে না, ভাগবে না। ওনিছি ভারি ভারি লোহার থাম পুতেছে।
প্র মো —হজুর থাম পুতলে কি হবে? ওদিকে যে গোড়া নড়বড়ে—
হায় —নড়বড়ে কি রকম?
প্র মো —ওনেছি পদ্মার কাছে গৌরী গিয়ে নালিশ করেছিল যে পুলের ভার
আর সহিতে পারি নে, তাতে পদ্মা বলেছেন যে লেসলী সাহেব পুল
বেঁধে বেলাত মুখো হন, আমি একদিনে ভেসে চুরে একেবারে
কুমারখালি গিয়ে ধরো!
হায় —এতো ওনলেম। জোতদার বেটারা খুঁটান হবে বলে পাদরী
সাহেবের কাছে পড়েছিল, তার কি হয়েছে।
প্র মো —হজুর, খুঁটান হওয়া মিছি মিছি। খুঁটান হওয়া ওদের কাজ নয় কবে
যে গিয়েছিল, সে কোন কাজ পাবার লোভে! ওদের দলের যিনি কর্তা
তার কোনোমতেই বিশ্বাস নাই। আসলে যদি ধরেন, তবে তারা
সেই এক রকমের লোক! ভাল মানুষ হোলে স্বভাব চরিত্র ওরকম
হোত না। দেখতে সেই লাঙল ঘাড়ে চাষাদের মত দেখায়।
মুসলমানের আবার আচার-ব্যাহার? ধর্ম কিছুই নাই—বলতে কি,
তারা কোরান কেতাব কিছুই মানে না। কোনো বিদ্যার ধার ধারে না,
কেবল বড়াই করে বাড়ির ভেতরে মেয়েদের সামনে অপরের
নিন্দাকর্মে মজ্ববুদ।
হায় —আমি জানি ওদের দলের যিনি কর্তা তিনি সকল বিষয়েই কর্তা।
প্র মো —হজুর! কুঠির কর্তা একবার কর্তার বড় কর্তামী বার করেছিলেন।
মাথায় ইট চাপানো পর্যন্ত বাকি ছিল না। ওরা—

“যখন দেখে আঁটা আঁটা
তখন কেঁদে ভিজায় মাটি।”

তারপর অমনি চোখ উন্টে বলে কেলে, ভো-ভো-ভো তোমি
কেডা হে?

- হায় —সে কথা থাক, আশ্ব বিশ্বাসের মকদ্দমার কি হলো?
প্র মো —সে কথা আর কি বলবো? কলিকালে সকলেই গেলো। রমজানের
চাঁদে রোজা রেখে মস্ত মস্ত কাঁচা পাকা দাড়িওয়াল সাহেবেরা তসবি
টিপতে টিপতে হুক করে হাকিমের সামনে মিছে কথা কইলেন, শুনে
অবাক হয়েছি, যে এ বাবাজিদের অসাধ্য কিছু নেই।
- হায় —তা ভো কইলেন, তারপর?
প্র মো —(ঈষৎ হাস্য করিয়া) এখন যেমন আইন, তেমনি আদালত,
টাকার জোরে কিনা হয়, ডিসমিস হয়েছে!
- হায় —বেশ হয়েছে! শুভলোকের জাত বাঁচলো। শুনেছিলাম এ
মকদ্দমায় বড় যোগাড় হয়েছিল।
প্র মো —জোগাড় করে কি হবে। অমন বিচক্ষণ হাকিমকে কি কেউ
ঠকাতে পারে? হজুর আর এক কথা শুনেছেন? হিন্দুদের নিকে
হোচ্ছে!
- হায় —শুনেছি। আমাদের সঙ্গে কি হিন্দুর মেয়ের নিকে হতে পারে না?
না বাবা? তার কাজ নেই, পাবনায় সেদিন রাড় কনে আর তার বরকে
বাসর ঘরেই পাড়ার হিন্দুরা জুটে পুড়িয়ে ফেলেছিল, ভাগ্যিণী হরিশ
ডাক্তার ছিল তাই রক্ষে হোলো! তবে—তবে ভো বাবা! একেবারে
আগুনে পুড়িয়ে ফেলবে।
- প্র মো —সে কথা থাক, এ দিগের কি হোলো?
হায় —আজ যে যোগাড় করেছি তাতো শুনিইছ!
প্র মো —হজুর আমি শুনেছি সে নাকি গর্ভবতী আছে।
হায় —না হে না, সে কোন কাজের কথা নয়, ও কথা শুনেলেম না, আমি
কালও দেখেছি, ওসব ভোঁ কথা! আমাকে ভয় দেখাবার জন্যে
মিছিমিছি একটা রটনা কচ্ছে, আমি তাতেই প্রায় ভুলে গেলাম আর
কি! একি ছেলের হাতের পিঠে!
- প্র মো —(হেঁট মুখে) আপনি দেখেছেন, তাতে কোন কথাই নেই, কিন্তু
আমি যেন শুনেছিলাম, যে সত্য সত্যই গর্ভবতী!
- হায় —হ'ক ভায় ক্ষতি কি?
(চতুর্থ মোসাহেবের প্রবেশ)
হায় —চালক দাস! খবর কি? গালভরে চিনি দেব, না দুটো ছিটে টানবে!
চ মো —(কুজ হইয়া আঙ্গুলী নাড়িয়া) ছিটে ফোটার কাজ নয়, (নিশ্বাস
ত্যাগ) সব দফা রফা—

- হায় —সে কি? একেবারেই যে শেষ ক'ল্লো? ব্যাপারখানা কি?
চ মো —কোন মতেই না! সে হাত মুখ নেড়ে কত কি বললে! আরো বললে,
এদের উপর হাকিম থাকত তাহলে এর শোধ নিতেম। কি আশ্চর্য! মেয়েমানুষের এমন কথা! কৃষ্ণমণি আরও অনেক বললে, সে কথা
এখন বলবো না, আর এক সময় শুন্তে পাবেন!
- হায় —কি? তার স্বামীকে এনে কান মলা নাক মলা দিচ্ছি, খাড়া করে
রেখেছি আর তার এত বড় আশ্চর্য! মেয়েমানুষের এত হেয়ত! হাকিম দেখায় আমাকে! তবে এর প্রতিফল এখনই দিচ্ছি! আর
বলতে হবে না, আমি সব বুঝতে পেরেছি! আপনি সর্দারদের
ডাকুন।
(চতুর্থ মোসাহেবের প্রস্থান)
- প্র মো —আপনার উপরে হাকিম দেখাতে চায়, এতদূর বুকুর পাটা!
আমি—
- হায় —এখনই তারে হাকিম দেখাচ্ছি! বড় সতী হয়েছে! সতীপনা
এখনই মালুম পাওয়া যাবে!
(জামাল, কামাল ও চতুর্থ মোসাহেবের প্রবেশ)
- জামা —(সেলাম করিয়া দণ্ডায়মান)
হায় —দেউড়িতে যত সর্দার আছে সব যাও। মোল্লাকো জরুকো পাকাড়
লাও। মোল্লাকে ছেড়ে দাও। আমি মোল্লা চাইনে, নূরুল্লাহর চাই।
- জামা — হজুর! আমরা চাকর। যে হুকুম করবেন তামিল করবই! কিন্তু
শেষে যেন মারা না যাই!
- হায় —তোমাদের কি? এর জন্যে যদি আমার সর্বস্ব যায়, তাও স্বীকার!
নূরুল্লাহর কেমন সাক্ষা দেখবো! আর বিলম্ব করো না, এখনই যাও,
আর সহ্য হয় না। কি? মেয়েমানুষের এত বড় কথা!
- জামা —হজুরের হুকুম, চল্লেম!
(সেলাম পূর্বক জামাল-কামালের প্রস্থান)
- হায় —(কিষ্কিৎ ভাবিয়া) আর ভাবলে কি হবে, যা অদৃষ্টে থাকে তাই
হবে! (তু মোসাহেবের প্রতি—) ওহে টান না?
তু মো —(গুলি টানিতে আরম্ভ করিল)
ও খো —(আগুন দিতে অগ্রসর)
হায় —ওধু ওধু টান। কেউ গান ধর না—
তু মো —আচ্ছা এই ছিটেটা ওড়াই।
ও খো —কর্তা, আমি সারাদিন কিছুই খাই নি।
হায় —কিছুই খাম নি এই যে এত ছিটে খেলি।
ও খো —কর্তা, না জলটুকুও মুখে দিই নি।

তৃ মো —আচ্ছা এই দুটো পয়সা নে, বাজারে জলপান কিনে খেয়ে যা!
(দুটো পয়সা দান)
(সেলাম-পূর্বক গুলিখোরের প্রস্থান)
হায় —একটা গান ধর না।
তৃ মো —আচ্ছা! (মোটে তা দিয়া, একটু চাট খাইয়া) তবে একটা মধ্য
গান গাই।

(রাগিণী জঙ্গলা—তাল আড় খেমটা)
যে বলে হয় হাড় কালী সকের ছিটে টানলে পরে
দু'গালে চার চড় লাগাই তার, দেখা পেলে
রাস্তার ধারে।
যে পেয়েছে গুলির মজা, উড়েছে তার নামের ধ্বজা
মনে মনে হয় সে রাজা, যখন আড্ডায় এসে
আড্ডা করে।
দুচার ছিটে উড়িয়ে দিলে চতুর্ভুজ ফলটি ফলে
নবাবজাদা কাছে এলে, কে আর তারে কেয়ার করে?
নয়ন দুটি বুঁজে, ঢুলি যখন মাথা গুজে
স্বর্ণ মর্ত দেখি বুঁজে, তেমন মজা নাই সংসারে!
(প্র মো ব্যক্তিত সকলের উচ্চস্বরে গান)

প্র মো —এই বুঝি তোমাদের মধ্যমান?
তৃ মো —নয় তবে এটা কি? ভায়া ভারি কলোয়াত।
প্র মো —ওরে তোর মাথা! এটা খেমটা আর রাগিণী শঙ্করা।
তৃ মো —কে জানে তোর খেমটা, আর কে জানে তোর শঙ্করা!
হায় —(উচ্চ ভাবে) একটু চুপ কর হে চুপ কর! (উচ্চ স্বরে—)
ওহে তোমরা কি পাগল হোয়েছ? একটু চুপ কর না!
(মোসাহেব পূর্বমত উচ্চস্বরে তাফ্লাক্সিন ধিনিতাক)
হায় —(হস্ত দ্বারা বিছানায় আঘাত) চুপ কর না। তোমাদের কাণ্ডজ্ঞান
নাই ওদিকে যে ভয়ানক গোল হচ্ছে! (মোসাহেবগণ নিস্তব্ধ) ওনেছ?
বড় গোল হচ্ছে! চল একটু এগিয়ে গিয়ে দেখা যাক!
সকলে —চলুন, আপনি যাবেন, আমরাও যাচ্ছি!
(উচ্চস্বরে “আল্লা আল্লা” করিয়া)
(নেপথ্যে—উচ্চস্বরে—ছোট বিবি মলেম, সকলের প্রস্থান।
আমায় নিয়ে চলো এইবার সেলাম।)
(দ্বিতীয়বার নেপথ্যে। এগোরো নিয়ে গেলরে, ভোরা এগোরো,
দোহাই মহারাগীর ভোরা এগোরো।

পটক্ষেপণ

তৃতীয় গর্তাঙ্ক

কোশলপুর

হায়ওয়ান আলীর বৈঠকখানা

(মোসাহেবগণ, সর্দারগণ এবং হায়ওয়ান আলী নূরনেহারের
হস্ত ধরিয়া দণ্ডায়মান। নূরনেহার হেট বদনে কম্পিতা)

হায় —কেমন? এখন তো হাতে পড়েছো! এখন আর কে রক্ষা করবে?
বাড়িতে বসে বসে যে বলেছিলে, ওর উপরে কি আর হাকিম নেই?
কই কাকেও যে দেখতে পাইনে! তোমার সে বাবারা কোথায়? এখন
দেখ না! এসে রক্ষা কর না! সতী সতী ক'রে বড় চুলে পড়তে! এখন
সতীত্ব কোথায় থাকবে? আমার হাতে তো পড়তেই হলো, তবে আর
এতো ভিরকুটি কল্পে কেন? আমার ক্ষমতা আছে কি না তাওতো
দেখলে? আরও এখনই দেখতে পাবে জান্। এতদিন আমার জান্কে
এত হয়রান করেছে জান্। এস তার প্রতিফল দিই।
নূর —(সকরণে) আপনি সব কল্পে পারেন। আমি আপনার প্রজ্ঞা,
আমি আপনার মেয়ে, আপনি আমার বাপ! জাত মান রক্ষা করতেও
আপনি, প্রাণ রক্ষা করতেও আপনি! আমি আপনার মেয়ে, আপনি
আমার বাপ! (রোদন) আপনিই আমার জাত কুল রক্ষা কোরবেন!
হায় —এইতো কচ্ছি। (নূরনেহারকে টানিয়া লইতে উদ্যত)
নূর —(মাটিতে গড়াইয়া পড়িয়া সরোদনে) আমায় ছেড়ে দিন! গলায়
কাপড় দে বলছি আমায় ছেড়ে দিন! আমি আপনার মেয়ে! আপনি
আমার বাবা! আমার কাপড় অসামান হলো, কাপড় পড়ি, ছেড়ে
দিন।
হায় —(ক্ষমাল দ্বারা মুখ বন্ধন করিতে করিতে) কাপড় নেওয়াচ্ছি!
নূর —(গোশাইতে গোশাইতে) পায় ধ-রি-আমা—
হায় —(মোসাহেবগণ প্রতি) আপনারা দুইজনে হারামজাদীর হাত ধরুন,
আমি চুল ধরে টেনে নিচ্ছি!
(তৃ ও চ মোসাহেব বেগে হস্তধারন এবং খাঁ সাহেব কর্তৃক
নূরনেহারকে ধরে অগ্রসর।)

(প্রস্থান)

ধি মো —(ক্ষণচিত্তার পর) হজুরের যে রাগ দেখতে পাচ্ছি এতে যে কি
করে বসেন, তার নিশ্চয়তা কি। কিন্তু এর ভোগ শেষে ভুগতেই
হবে!

জামা —দেখুন আমরা চাকর, হুকুম কল্পে আর অদল কল্পে পারিনে। এ
কাজটা বড়ই অন্যায় হচ্ছে! মোস্তার স্ত্রী গর্ভবতী, তারপর এই
জাবরান। এ কাজটা বড় অন্যায় হচ্ছে! কি করি? এর অধীনে থেকে

একেবারে সর্বনাশ হবে! এর তো দিগ-বিদিগ জ্ঞান কিছুই নাই, ন্যায় হোক, অন্যায় হোক একটা করে বসেন, যে ভাব দেখতে পাচ্ছি, এতে আমাদের জ্ঞাতকুল থাকাই ভার! আজ আবু মোস্তার যে দশা হলো, কোনদিন বা আমাদের গুরুপ ঘটে।

(হায়ওয়ান আলীর পুনঃপ্রবেশ)

হায় —ওহে, তোমরা এখানে কি কচ্ছে? ওদিকে যে—যাওনা এমন দিন—।

প্র মো —আচ্ছা যাই।

(প্রস্থান)

হায় —(সর্দারগণ প্রতি) তোমরা আমায় খুশী করেছেো, আমি মনের মতো খুশী করবো।

জামা —হজুর আমরা হুকুম পেলে কাউকে ভয় করিনে, তবে দেখবেন শেষে যেন একেবারে দয় ডুবে না মরি! সময় বড় খারাপ, সাবেক আমল হলে এতো ভাবতেম না!

হায় —তার জন্মে ভয় কি? মকদ্দমা আছে মামলা আছে কবুল! জামাল ওকে কি রকম ধরে?

জামা —আমরা ঐ সেই কোটার পিছনে দাঁড়িয়ে ছিলাম! কোন মতে আর ফাঁক পাইনে। অনেকক্ষণ পরে কানে আওয়াজ এলো যে, একটু দাঁড়াও আমি বার থেকে আসি। আবার গুনলুম, যাও চাঁদনির রাত ভয় কি? তারপরই দেখি নূরুল্লাহর বাইরে এয়েছে! এখন একবার লাফিয়ে ধরে শূন্যে শূন্যে আনতে লাগলুম। ও কেবল মুখে বললে, 'ছোট বিবি মলেম!'..... তারপরই আপনি গিয়েছেন। মোস্তাকে যে রকমে তাড়িয়েছি তা তো দেখেছেন! হজুর আমরা যেন নষ্ট না হই!

হায় —তোমাদের ভয় কি? টাকার অসাধ্য কি আছে বল দেখি?

জামা —হজুর! সে যথার্থ, কিন্তু আমরা গরীব সেইটি যেন মনে থাকে।

হায় —মনের মত বখশিষ করবো।

(প্র মোসাহেবের প্রবেশ)

প্র মো —হজুর সর্বনাশ হয়েছে।

হায় — কি হলো?

প্র মো —আর কি দেখছেন, নূরুল্লাহর কেমন কচ্ছে, বুঝি বাঁচে না।

হায় —বটে (এস্তে উঠিয়া)

প্র মো —তার ভাব দেখে ভাল বোধ হচ্ছে না।

(উভয়ের প্রস্থান)

(জামাল-কামাল ব্যতিরেকে অবশিষ্ট সর্দারগণ অপর দিক দিয়া বেগে পলায়ন।)

জামা —অদৃষ্টে কি জ্ঞানি কি হয়? গতিক বড় ভাল বোধ হচ্ছেনা।

(হায়ওয়ান আলী মোসাহেবগণের সাহায্যে হাত পা ধরিয়া নূরুল্লাহরকে লইয়া প্রবেশ)

হায় —(মাটিতে রাখিয়া) যথার্থই কি মরে, না ওর সব মিছে? ও কিছুই নয়, ও এক কাপ কোরে রয়েছে!

প্র মো —না, না, দেখুন গর্তবতী যথার্থই ছিল! ঐ দেখুন তলপেট তোলপাড় কচ্ছে!

হায় —(নিকটে যাইয়া বিস্ময়ে) যথার্থ গর্তের লক্ষণ দেখা যাচ্ছে; তলপেট অতো নড়ে কেন?

নূর —(মৃদুরে) হা খোদা! আমার কপালে এই ছিলো! নারী কুলে জন্ম নিয়ে সতীত্ব রক্ষা কর্তে পার্লাম না। হায় এই জন্মই কি আমার জন্য হয়েছিল! জনেই কেন মরে গেলাম না! তা হলে এতো লাঞ্ছনা সহিতে হতো না! কি করি উপায় নাই, এ দুঃখ কাকে জানাব! এমন সময় প্রাণধন স্বামীর সঙ্গে দেখা হোলো না! মা বাপের মুখও দেখতে পেলাম না! প্রতিবেশীরাও আমাকে দেখতে পেলে না! (দীর্ঘশ্বাস) হা খোদা! তোর মনে এই ছিল! জমীদার হয়ে এমন কাজ কল্পে! ধর্মের দিকে চাইলে না! এত কষ্ট কি আর প্রাপে সয়! হায় হায়, এদের দমনকর্তা কি আর কেউ নেই। এদের উত্তরে কি আর হাকিম নেই! হায় হায়, জাত গেল, দেশ জুড়ে কলঙ্ক হোলো, প্রাণও গেলো, শুধু আমার প্রাণই যে গেল তা নয়। পেটে যে একটা ছিল তারও গেলো। ঐ সাহেব আপনার মনে এই ছিল এই কল্পে! খোদা আপনার বিচার কোরবেন! শুনেছি যে মহারানী সকলের উপরে বড়, সাএবদের উপরেও বড়। আমার যেমন তোমার প্রজা তেমনি তুমিও তার প্রজা। তিনি কি এর বিচার কোরবেন না? প্রজার প্রজা বলে কি আর দয়া হবে না? মা! তুমি বেলাতে থাক, তোমার প্রজার প্রতি এত দৌরাখ্য হচ্ছে তুমি কি জানতে পাচ্ছে না? কেবল বড় বড় লোকই কি তোমার প্রজা? আমরা গরীব বলে কি তুমি আমাদের মা হবে না? মা-আ-মার-আ-মা-সয়না, মা-মা-মা আমি মেয়ে দয়া-কর-তো-পা-য়-(মৃত্যু)

হায় —ওহে, যথার্থ মলো! (নিকটে যাইয়া নাসিকায় হস্ত দিয়া) নিশ্বাস নাই। মরেছে, না ঐ যে তলপেট নড়ছে? কই আর যে নড়ে না। বুঝি পেটেরটাও মলো! (বুকে হাত দিয়া) এখন উপায়?

(প্র মোসাহেবের প্রস্থান)

প্র মো —আর উপায়। তখনইতো বলেছিলাম যা করবেন আগেপাছে বিবেচনা করে কোরবেন। এখনতো খুনের দায়ে ঠেকতে হলো!

হায় —চুপ্ চুপ্! খুনখুন করোনা! যা হবার তা হোলো, এখন কি করা যায়। অদৃষ্টে যা থাকে তাই হবে, বসে বসে ভাবলে আর কি হবে। রাত থাকতে থাকতেই এর একটা উপায় করা চাই।

ছি মো —আমার বুদ্ধিসুদ্ধি কিছুই নাই। আমি একেবারে জ্ঞান-শূন্য হয়েছি। যা আপনি ভাল বোঝেন করেন।

হায় —জামাল! তোমার বিবেচনায় কি হয়?

জামা —আপনি যে হুকুম করেন তাই কোরব। এতে আর আমাদের বিবেচনা কি?

(প্র মোসাহেব এবং নিদ্রোচ্ছিত বেশে সিরাজ আলীর প্রবেশ)

সিরা —আরে পাজিরে! এমন কাজ কল্পি? একেবারে হাবু খাঁর নাম ডুবালি? তোর কি কাণ্ডজ্ঞান নাই? চিরকালই কি তোর এইভাবে গেলো? লক্ষীছাড়া আর কি মরবার জায়গা ছিল না? এমন কাজ কি কর্তে হয়? যত গোয়ার একঠাই জুটে এই কাজ করেছে। এখন মুখে কথা নাই। তোর জন্য সর্বনাশ হবে! পূর্বপুরুষের নাম গেল, তুই কি একেবারে পাগল হয়েছিস? এখন আর কি বলবো? তোর এ বুদ্ধি কে দিল? (ছি মোসাহেবের প্রতি) এখন মুখে কথা নাই। পাজিরা এখন কেউ নেই। সর্বনাশ কল্পি। লুটে পুটে মজালি! রাগ আর বরদাস্ত হয় না—(ছি মোসাহেবকে মুষ্ঠাঘাত) তোরাই আমার সর্বনাশ কল্পি। তোদের কুপরামর্শতেই হয়েছে।

ছি মো —দোহাই আল্লাহ! কোরানের কিরে। আপনার গা ছুঁয়ে বলতে পারি, আমি দফায় দফায় মানা করেছি, এমন কাজ করবেন না!! তা কি উনি শুনেন, উনিই একজন।

সিরা —জামাল। তোরাই সর্বনাশ কল্পি! তুই কি এই বদমাইসদের দলে মিশে গেছিস।

জামা —কর্তা আমি কি আর করবো? হুকুম কল্পে তো আর আদুল কর্তে পারিনে।

সিরা —আর সকল বেটারা কোথায়?

জামা —সকলেই পালিয়েছে।

সিরা —(উপবেশন এবং অনেকক্ষণ পর্যন্ত হেঁট মুখে চিন্তা) হায়! এখন কি হবে? উপায়? বাঁচবার উপায় কি? এখন আর কি সেদিন আছে? এই হাতে কত কাণ্ড করেছি, কতজনের ও কর্ম করেছি, সাবেক কাল হলে আর এত ভাবতে হতো না। পাজিরা শোনেও নাই? আমার বাপজী কুকুর দিয়ে মানুষ খাইয়েছেন! আর আমরাও কত কি করেছি, এখন যে কেন চুপ করে থাকি তা তো তোরাই বুঝবি না!

জামা —তা। বসে আর কি হবে? এখন বাঁচবার পথ দেখা যাক।

সিরা —এক কাজ করা যাক, রাত শেষ হলে এলো। আর কোন উপায় এখন হয় না। তবে সকলে হাতাহাতি করে ধরে নিয়ে আবু মোল্লার বাড়ির উত্তর দিকে খেজুর বাগানে ফেলে আসা যাক। শেষে নসিবে যা থাকে তাই হবে। ভোর হোল—নেও, নেও উঠ, আর দেরি করো না।

ছি মো — হজুর যা বল্লেন সেই ভাল! চল আর বিলম্ব করে কাজ নেই। রাত ফর্সা হয়ে এলো! (নেপথ্যে দুবার কুকুট ধ্বনি) ঐ হয়েছে, আর রাত নেই ধর ধর—।

সিরা —জামাল ধর, সকলেই যাচ্ছে!

জামা —(কোমরে চাদর জড়াইতে জড়াইতে) তবে আর দেরি করা নয়, ভোর হয়েছে! ঐ সেই পাগল বৈরাগী বেটা গান গাচ্ছে। (কামালের প্রতি) কামাল ধর ভাই, একটা মেয়েমানুষকে নে যেতে আর আর কেউ কেন? আমরা থাকতে বাবুরা হাত দেবেন!

(জামাল-কামাল কর্তৃক শব্দেই লইয়া গমন। পচাতে পচাতে অধোমুখে সকলের প্রস্থান।)

পটক্ষেপণ

(নেপথ্যে গান)

(রাগিনী ললিত—তাল জলদ তেতাল)

চেতরে চেতরে চিত! এই তো দিন ঘনায় এলো
সারা নিশি ঘুমাইলে আর কত ঘুমাবে বল।
মায়াবিনী এই নিশি আসলো ঘুম পড়ানি মাসি।
ভোগা দিয়ে সর্বনাশী, সার কথাটি ভুলিয়ে দিলো!
শিষ্ট যারা নিশিযোগে, রয় কি তারা নিদ্রাযোগে?
মন রেখে সেই পদযুগে, যোগে মজে জেগেছিল!
দুইলোক রেতের বেলা, ঠিক যেন হয় কলির চেলা
কেউ চুরি কেউ কামের খেলা, খুন করে কেউ লুকাইল।

তৃতীয় অঙ্ক

প্রথম গর্তাঙ্ক

আবু মোস্তার খেজুর বাগান

(কনস্টেবলদ্বয় নূরুল্লাহের শবের পার্শ্বে দণ্ডায়মান)

প্র কন —বাবু যে এতক্ষণও আসছেন না!
দ্বি কন —উঠতে পারলে তো আসবেন!
প্র কন —সে তো আর নতুন নয়।
দ্বি কন —তাতে কি আর নতুন পুরান আছে, বেশি মাত্রা হোলেই দিন কাবার। আবার যে লক্ষী কাঁধে ভর করেছেন তিনি ত—জানই আর কি!

(কাস্তে-বগলে তামাক টানিতে টানিতে দুই চাষার প্রবেশ)

প্র চা এ গাঁয়ে আর বস্তিকি হয় না। গেল না' ওরে ধরে নিয়ে এই কাণ্ডটা করেছে।—জমীদার বহুত আছে, অনেক জমীদারের নাম ত জনেছি। এরা যেমন বাবা!

দ্বি চা — মামুজি, কি নকমে মাল্লে?
প্র চা —আমি কি দেখতে গেছি?
দ্বি চা —বুঝিছি বুঝিছি ও ব্যাটা বড় শয়তান। বন্দুক হাতে করে ঠিক সাঁজের বেলা আমাদের বাড়ির পাছ কানাচে ঘুরে বেড়ায়, ঘুরেই বেড়ায়! পাছ দুয়র দিয়ে বাড়িত মন্দিও আসে, বেটার চালচলন বড় খারাপ। মামুজি তুমি শোননি, ঐ সেই দহিন পাড়ার জেলা বড় হ্যাকমত করে বলে হ্যাল। উনি তো তার মেয়েকে দেখে সামনেই ঘোরেন, সে বন্দো হজুর! দিনে মুনিব বলে মানবো, নাস্তিরে অজাগায় দেখলে আর হাকিম বলে ন্যাত কর্বো না!

(ইনস্পেক্টরের সহিত আবু মোস্তার প্রবেশ)

ও মামুজি ঐ সাএব (পালাইতে উদ্যত)

ইনি —খাড়া রাও, কাঁহা যাতা হয়?
প্র চা —(হকা ফেলিয়া করজোড়ে) কর্তা আমরা কিছু জানি নে।
ইনি —(শবের নিকটে যাইয়া) এ মেয়ে লোকটি কে? কি হয়েছে? এ রকম এখানে পড়ে কেন?

প্র চা — মরে গেছে, শুনেছি খুন হয়েছে!
আবু —ধর্মাবতার! আমার সর্বনাশ হয়েছে, আমার মাথায় বাড়ি হয়েছে। হজুর আমার জাত-কুল-মান সকলি গেল। (সক্রন্দনে) হয় আমার কি হবে?

ইনি —(কনস্টেবলদের প্রতি) তোমরা কি অবস্থায় দেখেছো!
প্র কন —এই ভাবেই দেখেছি।
ইনি —লাশ উঠাও।
প্র কন —(ঐ রূপ করিয়া) এই তো দাগ জখম দেখছি।
ইনি —কোথায় কোথায় দাগ জখম আছে দেখ।
প্র কন —হজুর, এই পিঠে পাছায় গালে দাগ দেখা যাবে! আর অধোদেশ ফুলো আর ধান ধান রক্ত।
আবু —হায় হায়! আমার অদৃষ্টে এই ছিল? (কপালে আঘাত করিয়া) হায়! খোদায় এই করে এই দেখালে।
ইনি —দু'জন কুলি বোলাও।
প্র কন —ঐ দুই ব্যাটাকেই ডাকি।
ইনি —আচ্ছা লে আও। ডাকার সাহেবকে লাশ পাঠাতে হবে।
প্র চা —কর্তা আমরা মুসলমান, মরা মানুষ ছুঁতে পারবো না!
দ্বি চা —আমাদের জাত যাবে, আমিত পারবো না!
প্র কন — কি? পারবিনে, পারতেই হবে। (ঘাড় ধরিয়া) শালা পারবি নে, উঠাও লাশ উঠাও!
দ্বি চা —না বাবা! মেয়েই ফেল আর কেটেই ফেল, আমরা পারবো না!
প্র কন — কি? পারবিনে, পারতেই হবে। (ঘাড় ধরিয়া) শালা পারবিনে উঠাও লাশ উঠাও!
দ্বি চা — না বাবা!! মেয়েই ফেল আর কেটেই ফেল, আমরা পারবো না। আমাদের জাত যাবে, এ কাম আমাদের নয়।
প্র কন —(মুঠাঘাত করিয়া) নে শালা ওওর কি বাচ্চা—লাশ নে।
দ্বি চা —এই নিচ্ছি

(চাষাঘরের লাশ লইয়া প্রস্থান)

ইনি —জমীদারের পক্ষের লোক কোথায়?
প্র কন —হজুর! তারা ভয়ে আপনার কাছে আসছে না। গ্রামে আছে, চন্দন।
ইনি —আচ্ছা চল—

(সকলের প্রস্থান)

পটক্ষেপণ

banglainternet.com banglainternet.com

দ্বিতীয় গর্ভাঙ্ক

বিলাসপুর

ম্যাজিস্ট্রেট সাহেবের কাছারি

(ম্যাজিস্ট্রেট, কোর্ট ইনস্পেক্টর, কয়েকজন আসামী, আবু মোল্লা
এবং উকিল, মোক্তার, দর্শকগণ, আরদালী প্রভৃতি উপস্থিত)

ম্যাজি —নেই, আমি আর সাক্ষী চাহে না।
কো ইন —(নিকটে যাইয়া) আসামীদের পক্ষে আর কয়েকজন সাক্ষী
উপস্থিত আছে।
ম্যাজি —নেই, সবুদা হ্যা (ফরিয়াদীর মোক্তারের প্রতি) টোমরা কুছ
ছওয়াল হ্যা?
মোক্তা —ধর্মান্তার! (গাত্রোখান)
ম্যাজি —ও হটে পারেনা, টুমি আসামীর পক্ষে আছে, টোমার বস্টটা শেষে
হতে পারে! (বাদীর মোক্তারের প্রতি) টোমার আর কি আছে?
মোক্তা —(স্বস্তির চাদর বারে বারে নাড়িয়া এবং মোচে তা দিয়া)
ধর্মান্তার! এই মোকদ্দমা বাদী আবু মোল্লা প্রজা। আসামী হায়ওয়ান
আলী জমীদার। প্রজা মোক্তার স্ত্রীকে বলপূর্বক ধরিয়া আনা, অত্যাচার
করিতে থাকা ও তদহেতু মৃত্যু হওয়ার প্রমাণ হইতেছে! আর সেই
জমীদার, সেই জমীদার আসামী আর কয়েকজন আসামীকে সঙ্গে
করিয়া প্রাণভয়ে কোথায় পালাইয়াছে তাহার সন্ধান মাত্র নাই।
ইহাতে স্পষ্ট জানা যাইতেছে যে আসামীগণ সম্পূর্ণরূপে দোষী ও
অপরাধী। ধর্মান্তার! খোদাবন্দ! হায়ওয়ান আলী (থুথু ফেলিয়া) ধুড়ি
হায়ওয়ান আলী খাঁ জমীদার! মফস্বলের প্রজার হর্তা কর্তা মালিক
জমীদার তাদের আদালত ফোজদারীতেই নিষ্পত্তা করিয়া থাকে
প্রজার পরস্পর বিবাদ নিষ্পত্তা হক বা না হক আপন নজরের টাকা
হলেই হলো! প্রজারা শাসন ভয়ে মুখে কথা নাই। জমীদার যা বলেন
কোন মতেই তার অবাধি হইতে পারে না! জমীদারের অজ্ঞানিতে
কোন মতেই প্রজা বিচারের প্রার্থনায় আদালত আশ্রয় করিলে তখন
জমীদার একেবারে অগ্নিমূর্তি হইয়া তার ভিটেমাটি একেবারে
জ্বালিয়ে ছারখার করিয়া দেন। আর ইহাও অপ্রকাশ নয় যে—
ম্যাজি —চুপ চুপ আসল কথা বল—
মোক্তা —খোদাবন্দ ধর্মান্তার। এই মোকদ্দমায় জমীদার স্বয়ং আসামী,
সুতরাং প্রমাণ হওয়াই দায়। তবে যে হজুর এদুর হয়েছে সে কেবল
সত্য ঘটনা বয়েই হয়েছে। নতুবা গরীবের সাধি কি যে মোকদ্দমা
করে। হায়ওয়ান আলী যে চরিত্রের লোক তার প্রমাণ এই
দেখুন—(রায় দর্শনে) ইতিপূর্বে—সাহেবজাদা হাকিমের আমলে

এক হিন্দু স্ত্রীকে জাবরানে ধরে এনে সতীত্ব হরণ করেন। ঐ প্রকার
কৃত কুলবালার সতীত্ব নাশ করেছেন, ধ্বংস করেছেন, নষ্ট করেছেন,
মাথা খেয়েছেন, জাতপাত করেছেন সে আমি বলতে চাইনে!
ধর্মান্তার, ওদের নিষ্ঠুরতার বিষয় কত প্রমাণ আছে! প্রধান প্রধান
হাকিমের রায়েতে প্রকাশ আছে।

(উপবেশন)

উকিল

—ধর্মান্তার! মোক্তার মহাশয় যে এতক্ষণ পর্যন্ত বকে গেলেন, এ
মকদ্দমার সম্বন্ধে কি বলেছেন, কিছুই বলেন নাই। জমীদার এমন
করে—জমীদার প্রজার প্রতি দৌরাখ্য করে—জমীদার প্রজার সর্বস্ব
হরণ করে—সে কথা এ মকদ্দমায় কিছু মাত্র সংশ্রব নাই। হায়ওয়ান
আলী কি করিয়া দোষী হইতে পারে,—তিনি অতি ধনবান, বিশেষত
বিচক্ষণ ধর্ম-পরায়ণ, বয়স এ পর্যন্ত ৪০ বৎসর হয় নাই। তার দ্বারা
এমন কাজ হওয়া সম্ভব হয় না। কেবল মনোবাদ সাধন জন্য এই
মিথ্যা নালিশ উপস্থিত হয়েছে! কোন সাক্ষীতেই এমন স্পষ্ট প্রমাণ
দেয় নাই, যে আমার মক্কেল নূরুল্লাহর আওরতকে জবরান বলৎকার
করেছেন, আর সেই বলৎকারে তার প্রাণ বিয়োগ হইয়াছে। ফরিয়াদী
আবু মোল্লা বড় ফেরেবাজ!

আবু

—(গলবস্ত্রে অগ্রসর হইয়া) ধর্মান্তার, আমি নিতান্ত গরীব; আমার
সাধ্য কি যে জমীদারের নামে মিছে মোকদ্দমা করি? হজুর সে—

ম্যাজি

—চুপ চুপ (কোর্ট সাব-ইনস্পেক্টরের প্রতি) দারোগা রিপোর্ট পড়।

কো ইন

—(রিপোর্ট পাঠ আরম্ভ) ফরিয়াদীর স্ত্রী নূরুল্লাহর আওরতের
মৃতদেহ দৃষ্টে ও সাক্ষী হামছায়াগণের বাচনিক জবানবন্দীতে ও
তজিউদ্দিন আসামীর স্বীকৃত জওয়াবেবের মর্মে ও তাহার সন্ধান বাদীর
বাসস্থান গ্রামের তালুকদার ১নং আসামী হায়ওয়ান আলী ও
তস্যভ্রাতা সিরাজ আলীর সহিত ঐ গ্রামের আংশিক তালুকদার
কাতলমরিয়া নিবাসী লালবিহারী সাহার জমিজমা লইয়া বিবাদ ও
মনোবাদ হওয়ায় ছায়েল মজকুর ঐ খাঁ দিগের আশ্রিত লোক থাকিয়া
এদানিক তাহাদের অসম্মতিতে সাহাদের অনুগত ও বাধ্য হওয়ায়
হায়ওয়ান আলী অতি দুষ্ট স্বভাবের মানুষ্য বিশেষ উক্ত মনোবাদে
বাদীকে নির্যাতন ও স্বীয় কু-প্রবৃত্তি সাধনের জন্য আপন চাকর ও
বাধ্যানুগত ২নং হইতে ১৮ নং প্রতিবাদীগণের সহিত জোটবদ্ধ হইয়া
অমুখ তারিখে অধিক রাতে ফরিয়াদীর প্রতিবাদী ২নং আসামীর
বাটীর নিকটে থাকিয়া ছায়েলের স্ত্রী প্রস্রাব করার জন্য ঘর হইতে
বাহির হইলে তাহাকে বল-পূর্বক ধৃত করিলে ঐ স্ত্রী সোর করাতে
বাদী প্রভৃতি বাহির হইয়া সোর করায় তাহাদিগকে ভয় প্রদর্শন দ্বারা
হটাইয়া স্ত্রী মজকুরার মুখাদি বন্ধ করিয়া শূন্য ভাবে আপন বাহির

বাটীর পূর্বদারী বৈঠকখানা ঘরের মধ্যে লইয়া ও মুখবন্ধ করিয়া ও নানামত অভ্যাস করিয়া কষ্ট দিয়া হত্যা করা স্পষ্ট প্রমাণ ও প্রকাশ পাইলেক যে ২নং হইতে ১০ আসামীগণ ভারতবর্ষের দণ্ডবিধি আইনের ৩৫২/৩৫৪/৩০২/ ৩৬৭ ধারার অপরাধক্রমে ধৃত হইয়া ইত্যাত্রে ফৌজদারি আদালতে চালান হইয়াছে ১নং প্রধান আসামী ও ১১ নং হইতে ১৮ নং আসামীগণ বাড়ি ঘর ছাড়িয়া পলায়ন করায় অনেক তাল্লাসে এ যাবৎ তাহাদিগকে প্রাপ্ত না হইয়া স্থানে স্থানে সন্ধানী লোক প্রেরণ করত ধৃত করার পক্ষে যথোচিত চেষ্টা থাকিয়া কারামসহ আবশ্যিকীয় সাক্ষীগণকে হজুরে পাঠান হইল আর সিরাজ আলী মজবুর অপরাধী দ্বারায় বাদীর স্ত্রীর মৃতদেহ বাগানে ফেলিয়া রাখা অর্থাৎ দণ্ডবিধি আইনের ২০২ ধারার অপরাধ করা প্রকাশ ও সেজন্য জামানত থাকাতে তাহার শ্রেণ্ডারী ওয়ারেন্ট হওয়ার জন্য কোর্ট ইনস্পেক্টর মহাশয় দ্বারা প্রার্থনা করিয়া বিদিতার্থ নিবেদিলেক হজুর মালিক নিবেদন ইতি । সন তারিখ মাস ।

ম্যাজি —ডাক্তার সাহেবের সার্টিফিকেট কোথায়?
কো ইনি —নথিতেই আছে ।
ম্যাজি —(নথি উল্টাইয়া দেখেন, কিছুকাল পরে রায় লিখিতে আরম্ভ এবং কোর্ট ইনস্পেক্টর দ্বারা পাঠ)
কো ইনি —হজুর হইল যে গরহাজিরা আসামীগণের নামে ওয়ারিন করিয়া শ্রেণ্ডার হয় আর হাজিরা চালানী আসামীগণকে দায়রা সোপর্দ করা গেল । সন তারিখ মাস ।

পটক্ষেপণ

তৃতীয় গর্ভাক

বিলাসপুর জিলার সেশন আদালত

[দায়রা বিচার]

[জজ, বাদী-উকিল, ব্যারিষ্টার, আসামী, সাক্ষী, পেঙ্কার, আরদালী, জুরীগণ ও দর্শকগণ]

পেঙ্কা —(জজের নিকট গিয়া) হজুর জুরীর সংখ্যা পূর্ণ হয় নাই, একজন গরহাজির ।
জজ —ডেকে আনতে পারো ।
পেঙ্কা —(দর্শকগণ মধ্যে একজনকে সঙ্কেতে ডাকেন) আপনি এদিকে আসুন ।
দর্শক —(নিকটে যাইয়া) বলুন ।
পেঙ্কা —আপনি জুরী হ'তে পারেন ?
জজ —আপনি কে আছে?
দর্শক —খোদাবন্দ- আমি—আমি (জোড়হাত) না না খোদাবন্দ, কিছু কসুর নাই আমি জলপান খাচ্ছি (বস্ত্র হইতে চিড়ামুড়কি পতন) ।
জজ —নেই টোমার জুরি হ'তে হবে ।
দর্শক —দোহাই ধর্মাবতার আমার কোনো কসুর নাই, আমি কিছু ঘাট করি নাই, আমি কোষ্টা কিল্ডে যাচ্ছি । পথে তনলাম যে আবু মোল্লার বৌয়ের খুনীর বিচার হচ্ছে । হজুর! তাই আমি দেখতে এয়েছি । ধর্মাবতার! ভয়ে আমার গলা শুকিয়ে যাচ্ছে, আমি আর কিছু জানিনে হজুর! দোহাই ধর্ম!—
জজ —নেই নেই হাম টুমকো জুরী করোগা । টোমারা ক্যা নাম?
(গাত্রোত্থান পূর্বক শিশু দিয়া তুড়ি এবং ভঙ্গি করিয়া নৃত্য)
দর্শক —(সক্রন্দনে) হজুর দেশের মালিক যা মনে করেন তাই কর্তে পারেন কিন্তু আমি কিছুই জানি না ।
জজ —(ব্যঙ্গ ভঙ্গিতে) টোমারা নাম ক্যা হায়?
দর্শক —(সরোদনে করজোড়ে) আরজান বেপারী হজুর! খোদাবন্দ—
জজ —টোম ঐ চেয়ার মে বৈঠো ।
আর —(বেগে পলায়নোদ্যত)
জজ —পাক্‌ডো পাক্‌ডো (আরদালী কর্তৃক ধৃত হইয়া চেয়ারে বসান) ।
আর —(চেয়ারের এক পার্শ্বে উপবেশন করিয়া) হজুর! আমি কিছু জানিনা, সকলকে জিজ্ঞাসা করুন আমি কিছু জানি না!
জজ —চূপ রাও ।
আর —এই বারই-গেলুম। (নিস্তর)
পেঙ্কা —(জজ সাহেবের নিকট করজোড়ে) হজুর! ছাপাই সাক্ষী আরও দু'জন আছে ।

জজ —লে আও।
 পেকা —(আরদালী প্রতি) জীতু মোল্লা সাক্ষীকে ডাক।
 (আদালত রীতিমত আরদালী দ্বারা তিনবার ফোকরান।)
 জীতু —আমার নাম জীতু মোল্লা, বাপের নাম কেদু মোল্লা, বয়স ৬০/ ৭০
 বৎসর, মোল্লাকি ব্যবসা।
 জজ —মোল্লাকি কি?
 জীতু —কোরান পড়ে আমার মুরিদকে শোনাই, দুটো আহেরের কথা কই
 যাতে দীন দুনিয়ার ভালাই হবে। বিয়ে সাদীর কলমা পড়াই, মানিক
 পীরের সিন্ধি ফয়তা দেই, আর মুগরী জবাই করি। হজুর এই সকল
 আমার কাজ—
 জজ —(গাত্রোখান করিয়া) টুমি এ মকদ্দমার কি জানে?
 জীতু —হজুর আমি আবু মোল্লার কুটুম। যেদিন এই মামলার বাত
 কতেছে আমি সেদিন আবু মোল্লার খানকা ঘরে বসে সারা রাত
 আল্লা আল্লা করে জেহীর করেছি; নামাজ পড়েছি। আমি রাতে ঘুম
 পাড়ি না।
 জজ —টুমি ঘুম পাড়ো না তবে কি কর?
 জীতু —সারা রাত জেগে আল্লার কাছে রোনা পিটনা করি।
 ব্যারি —নেই ওবাত নেই, টুম কুচ গোলমাল শুনা হয়।
 পেকা —হাকিম জিজ্ঞাসা কচ্ছেন সে রাতে তুমি কোনো গোলমাল
 শুনেছিলে।
 জীতু —সে রাতে কোন গোল হয় নাই। এ সকল কেবল মিছে করে আবু
 মোল্লা এদের রটিয়েছে।
 ব্যারি —টুমি মক্কামে গিয়া?
 জীতু —জনাব! গেছলাম। আমি চারবার অজ করেছি।
 ব্যারি —মোল্লার অজ কি রকম মরেছে টুমি তার কিছু জান?
 জীতু —জানবোনা ক্যা? আবুই মারতে মারতে এহেবারে খুন করেছে।
 ব্যারি —আবু কেউ মারা?
 জীতু —ও নাহি কার সঙ্গে কথা কইল।
 ব্যারি —হায়ওয়ান আলী কেমন লোক আছে?
 জীতু —(তসবি ছুইয়া কপাল চুলকাইয়া মাথা নাড়িয়া) আহা অমন লোক
 দুনিয়া জাহানে আর নাই! বড় দীনদার, বড় দাতা; মক্কায় যাইবার
 সময় হামারে পঞ্চাশটি টাহা দেয়।
 ব্যারি —হায়ওয়ান আলী নুরুল্লাহরকে মারিয়াছে?
 জীতু —(দুই গালে হাত দিয়া) তোবা তোবা তোবা! সে কি এমন কাজ
 করতে পারে, তা কখনো হবার নয়।
 ব্যারি —আচ্ছা টুমি যাও।

(কলম ছুইয়া জীতুর প্রস্থান)

(নামাবলী গায় কোঁপিন এবং বহির্বাস পরিধান, সর্বাস্ত্রে তিলক ছাপা,
 হস্তে-গলে তুলসীর মালা, কণ্ঠে কুড়জালী, কক্ষে ঝুলি, হরিনাম জপ
 করিতে করিতে দ্বিতীয় সাক্ষী হরিদাসের প্রবেশ ও পূর্বমত হ্লেফ পাঠ)
 হরি —আমার নাম হরিদাস, পিতার নাম ঠাকুরদাস, বয়স ৪০/৫০ ব
 বৎসর। আমি বৈরাগী, ভিক্ষা করি।
 ব্যারি —আবু মোল্লার স্ত্রীকে কে খুন করিয়াছে টুমি জানে?
 হরি —(মালা টিপিতে টিপিতে) রাধেকৃষ্ণ। আমি কিছুই জানি নে!
 ব্যারি —কিছু শুনিয়াছো?
 হরি —শুনেছি হজুর!
 ব্যারি —ক্যা শুনা হয়!
 হরি —হরিবোল। হরিবোল! শুনেছি আবু মোল্লাই মেরে ফেলেছে। উঃ
 কি পাপিষ্ঠ! হরিবোল! হরিবোল।
 ব্যারি —আবু মোল্লা কেমন লোক?
 হরি —হজুর সে বড় ফেরেববাজ, একদিন আমি—
 জজ —তুমি কি? ফেরেব করিয়াছে (উচ্চহাস্য করিয়া পূর্ববৎ তুরি ও শিষ
 দিয়া নৃত্য এবং ইংরেজি গান করিয়া দর্শকগণের প্রতি দৃষ্টি করত
 হাস্য পূর্বক উপবেশন) তুমি একদিন তুমি কি—?
 হরি —হজুর! একদিন আমি ভিক্ষা কর্তে ওদের বাড়িতে গেছিলুম। ফাঁকি
 দিয়ে আমার ঝোলা দেখি ব'লে কেড়ে নিয়ে চালগুলো চেলে নিলে;
 শেষে ঝোলাটা পায়ে পড়ে চেয়ে নিলুম। ও বেটা বড় ফেরেববাজ। ওর
 জ্বালায় গায়ের লোক জ্বলে ম'লো। রাধেকৃষ্ণ! রাধেকৃষ্ণ!
 ব্যারি —মোল্লা স্ত্রী চরিত্র কেমন ছিলো?
 হরি —(দুই কানে হাত দিয়া) রাধে গোবিন্দ। আমার মুখ দিয়ে সে কথা
 বেরোবে না- (দীর্ঘশ্বাস) মেরে ফেলেছে কি জন্য- দীনবন্ধু!
 ব্যারি —এই আসামীরা কেমন লোক?
 হরি —বড় ভাল মানুষ। আর সেই জমীদার বড়লোক বড় ধার্মিক, গরীব
 লোকের প্রতি ভারি দয়া! আমার বৈষ্ণবী যখন খাঁ সাহেবের বাড়িতে
 যান তিনি কাপড় টাকা পয়সা চাল দয়া করে দিয়ে থাকেন!
 ব্যারি —তোমার বৈষ্ণবীর নাম কি?
 হরি —কৃষ্ণমণি।
 ব্যারি —হজুর সেই কৃষ্ণমণি—
 জজ —হাঁ হাঁ। আমি জানে। (ডাক্তার কনিংহাম সাহেবের প্রবেশ)
 জজ —How are you?
 ডাক্তার —Thanks! Quite well.
 জজ —Please take your seat. How is Mrs. Cunningham? I
 have not seen her for a long time. (মৃদুস্বরে) More
 than six months.

ডাক্তার —Thanks! She is in delicate state and this is the seventh months.

জজ —Oh! (ঈষৎ হাস্য করিতে করিতে অধোবদনে লিখনীতে দস্তখত) Do you like to go soon?

ডাক্তার —Yes, she is alone.

জজ —(আসামীর ব্যারিস্টারের প্রতি) Dr. Cuninghurn is in hurry and I think it is better to take his disposition first.

ব্যারি বা উ —Yes, I have no objection.

জজ —(দণ্ডায়মান পূর্বক) হুজুর! হরিদাস সাক্ষীর প্রতি আমার সওয়াল আছে!

জজ —Wait, wait (ঈষৎ ক্রোধে) Baboo can't you wait? (মৃদুস্বরে) Natives! Let me take Dr. Cuninghurn's disposition first.

(বাদীর উকিলের নিঃশব্দে চেয়ারে উপবেশন ; ডাক্তার সাহেবের হস্তে জজের বাইবেল দান)

ডাক্তার —(বাইবেল চুম্বন পূর্বক) My name is F. B. Cuninghurn; aged 72 years. I am the G. surgeon of Bensaff district. I made the post-mortem examination of the body of Nooren Nehar, a healthy good looking woman, aged about twenty years, sent by the officer-in-charge of Dharmasala police station. No marks of external violence except on the genital, profuse discharge of blood from this said part; the lungs highly congested on digesting away the skin of throat, extra-vasation of blood observed, all other organs found healthy. (ক্রমভাবে) In my opinion she must have died of sanguineous apoplexy of the brain.

জজ —(মৃদুস্বরে) Must be brain disease, (বাদীর উকিলের প্রতি) টোমার কুছ আছে?

ব্য উ —ডাক্তার সাহেব জবানবন্দী দিলেন ইহাতে স্পষ্ট প্রকাশ হচ্ছে যে স্ত্রীলোকটির অধোদেশ হইতে রক্ত নির্গত এবং গলার চর্মের নিচে রক্ত জমা হইয়াছিল, ঐ কারণে কি “ ব্রেন ডিজিজে ” মৃত্যু হইবার সম্ভাবনা?

জজ —হাঁ। কেন হোবে না? ডাক্তার সাহেব কহিতেছেন; হোবে হোবে।

ব্য উ —হুজুর একবার ডাক্তার সাহেবকে ঐ সওয়ালটা জিজ্ঞাসা করা উচিত।

জজ —(বিরক্তি সহকারে মৃদুস্বরে) ছুট! (ডাক্তার সাহেবের প্রতি) Is it possible that profuse discharge of the blood from the abdomen and extravasation of blood beneath the skin of the throat, can produce sanguineous apoplexy of the brain?

ডাক্তার —(উচ্চহাস্য পূর্বক) হা হা হা! If fever can produce enlargement of the spleen, then why not the sob of blood will produce sanguineous apoplexy of the brain?

জজ —আর কিছু সওয়াল আছে?

ব্য উ —হুজুর ম্যাডিক্যাল সায়েন্স ভাল বুঝি না। আর কোন সওয়াল নাই! (উপবেশন)

জজ —(ব্যারিস্টারের প্রতি) Have you anything to ask Dr. Cuninghurn?

ব্যারি —(আশ্চর্য) To whom? To Dr. Cuninghurn?

জজ —Yes!

ব্যারি —Certainly not, he is perfectly right.

জজ —(ডাক্তারের প্রতি) Then you can go, give my compliments to Mrs. Cuninghurn.

ডাক্তার —Thanks.

(প্রস্থান)

ব্যারি —(হরিদাসের প্রতি) তুমি কোন্ কোন্ তীর্থ দেখেছ?

হরি —গয়া, কাশী, পেড়ো আর কত তার নামও জানি নে।

জজ —(ঈষৎ হাস্যপূর্বক) টুমি লেখাপড়া জানে?

হরি —নাম সই কর্তে পারি।

জজ — আচ্ছা দস্তখত কর। [নাম সই করিয়া হরির প্রস্থান] (বাদীর উকিলের প্রতি) বাবু আপনি এইক্ষণে বক্তৃতা করুন।

(পাঁচ মিনিট কাল উকিলের বাংলা বক্তৃতা)

[পনেরো মিনিটকাল ব্যারিস্টারের ইংরেজী বক্তৃতা]

আবু —দোহাই ধর্মান্তার—আমার প্রতি বড় অন্যায় হয়েছে—বড় দৌরাখ্য হয়েছে।

ব্যারি —টুমি চোপরাও—

আবু —আমার বাড়ি-ঘর সব গেছে, জাতও গেছে হুজুর; আমার কিছু নাই; (ক্রন্দন) আমার সর্বনাশ হয়েছে।

জজ —চুপ রাও।

আবু —দোহাই ধর্মান্তার! আমার প্রতি বড় অন্যায় হয়েছে— আমি নিতান্ত গরীব!

জজ —চুপ রাও (কিঞ্চিৎ পরে জুরিগণের প্রতি) Is this case guilty or not?

জুরি —(ষথাস্থানে এক ঐক্য হইয়া) Not guilty.

ব্যারি —(হো হো শব্দে হাস্যপূর্বক পুস্তকাদি টেবিল হইতে হস্তে ধারণ এবং জজের একটু খোসামোদ)।

জজ —(রায় লিখিতে আরম্ভ ও ক্ষণকাল পরে দণ্ডায়মান হইয়া) ডিসমিস— আসামীগণ খালাস! (হাতে তুড়ি দিয়া নৃত্য)।

ব্যারি —(হাস্য করিয়া) সেকহ্যান্ড!

উপসংহার

[নটীর প্রবেশ]

নটী

—(স্বগত) হায় হায় একি হলো? হা ভগবান তুমি কোথায়?
হায় হায় এ জগতে অর্থই সকল দোষের মূল!
হায়রে পাতকী অর্থ! তোর লাগি ভবে
শুধু তোর লাগি ঘটে যত অত্যাহিত!
অবলা অমূল্য রত্ন সতীত্ব রতন,
হরিল দুর্মতি পাপ—পাষণ্ড বর্বর
জমীদার! ধর্মাসনে হোল না বিচার!
কারে কই মনো দুঃখ কারে বা জানাই
এ বারতা? শোক সিন্ধু উথলিছে মনে—
কারে বা জানাই? কেন কেন এ জিজ্ঞাসা?
দুজন জিজ্ঞাসা পাত্র সম্মুখে আমার—
জানাইব তাঁরে যিনি সর্বন্যেয়বান
সর্বদর্শী মহেশ্বর জগত—কারণ
সর্বময় সর্বশ্রেষ্ঠ সর্বশাস্তা বিজ্ঞ
ত্রৈলোক্য—ঈশ্বর যিনি, পরম ঈশ্বর—
অনুগত ধর্ম যারা সদা আজ্ঞাবহ,
তাঁরে বিজ্ঞাপিব লোক মনে যত আছে—
এই ভাবে জিজ্ঞাসিব কহ কহ দেব
হবে না কি দরিদ্রের এ দুঃখ মোচন?
রবে না কি অবলার সতীত্ব রতন?
আরো বিজ্ঞাপিব শোকে কাঁদি তার কাছে
ঈশ্বর প্রসাদে যিনি ভারতেশ্বরী
যাচিব কেবল ভিক্ষা ডাকি বার বার
কর মা কর মা দীনে কর মা নিস্তার!

সঙ্গীত

[রাগিনী ললিত—তাল আড়াঠেকা]

কাতরে ডাকি মা তোরে শুন মা ভারতেশ্বরী
অবিহিত অবিচারে আর বাঁচিনে মরি মরি—
ধাক মা সাগর পারে কড়ু ছেরি তোমারে
রক্ষ মা প্রজা কিঙ্করে, বিনয়ে মিনতি করি—
অবলা সরলা সতী তাহে ছিল গর্ভবতী
সে সতীর এ দুর্গতি, উহ মরি মরি—
সবল দুর্বল পরে হেন অত্যাচার করে?
রক্ষ মা দীন প্রজারে, মা তোমার চরণে ধরি—
দয়া মমতা পালিনী প্রজার দুঃখে বিমোচিনী
দীন দুঃখী নাশিনী, মা তুমি শুভঙ্করী;
জননী বলিয়া ডাকি শুন সিন্ধু পারে থাকি
করুণা কটাক্ষ রাখি; তর মা ভারতেশ্বরী।

নট

—প্রিয়ে! আর দুঃখ ক'লে কি হবে? আমাদের কথা কে শুনে? আর
কেইবা আমাদের দুঃখে দুঃখিত হয়? হায়! চোখের উপর এমন
অন্যায় হলো? হায়! হায়! দিনে দুপুরে ডাকাতি হলো! দীনহীন প্রজার
ধন-মান-প্রাণ পর্যন্ত গেলো তার প্রতিশোধ পর্যন্ত হলো না।
(ক্ষণকাল চিন্তা) যাক আমাদের আর সেকথায় কাজ নেই! আমাদের
কথায় কেবা কান দেয়?

নটী

—বলেন কি? আমাদের এ কান্না কি কেউ শুনবে না। গরীবের প্রতি
কি কেউ নজর করবেন না?
[দীনবেশে ক্রন্দন করিতে করিতে আবু মোস্তার প্রবেশ]

নট

—আবার কি হয়েছে? উঃ! কি ভয়ানক!

আবু

—আমার সর্বনাশ তো হয়েইছে—হায়ওয়ান আলী মোকদ্দমায়
জিতে আমার বাড়ি ঘর ভেঙ্গে চুরে মানেওয়ান করে ফেলেছে।
আমাদের আর দাঁড়াবার লক্ষ্য নাই। (ক্রন্দন) হায় হায়! আমার
ধন-মান-প্রাণ সকলই গেলো, বিষয় সম্পত্তি যা কিছু ছিল সকলই
নুটে নিয়েছে। আমায় গ্রাম থেকে তাড়িয়ে দিয়েছে—আমার অন্তর
কিছুই নাই! (ক্রন্দন)

নট —নির্দয়! কি নিষ্ঠুর!!
নট ও নটী —(উভয়ের দুঃখিত স্বরে সঙ্গীত)
[রাগিনী ললিত—তাল আড়াঠেকা]

উপায় না হয় ভেবে নিয়ত ভাবনা করি—
কবে দেব দিবাকর, বিকাশিয়ে মুখকর
নাশিবে তমঘোর, ঘোরঅন্ধকার হেরি?
ওহে বিপদ বারণ কর বিপদে ভারণ,
তম কর নিবারণ নিবেদন করি;
তুমি দেব সর্বময়— কাতরে করুণাময়
নাশ কর দীনভয়,—শ্রীপদ কমলে ধরি—

যবনিকা পতন